

忠義集序

宋有天下三百餘年以仁厚立國以詩書造士以節義勵士大夫故其士民觀感興起皆知殺身成仁之為美及其遭罹變故而且亡也死宗廟者有之死社稷者有之死君上者有之死城郭封疆者又有之下至山谷之儒里巷之婦亦皆秉義抱節矢死不辱嗚呼漢唐之末曷嘗有是哉南豐水村

劉先生壩如村劉先生麟瑞生當宋元之際懼忠
臣烈士貞婦湮沒而無傳也水村作十忠補史詩
如村作昭忠逸詠皆據其所見聞而錄之蓋野史
之流也其邑人趙秉善合二先生所作為一編附
以汪水雲方虛谷諸君子傷時悼事之什若干首
總謂之忠義集當是時元有天下諱言宋事諸儒
於是集私相傳錄而已歷世既久遺老凋謝殆盡
後生不知前輩麥秀黍離之悲而是集幾與塵埃
蟲鼠共弊于敗篋之間上舍生趙君璽二先生之
鄉人也得是集於老農之家讀而悲之迺校補其
訛缺持以示予予受而閱之觀文履善對李羅之
語謝君直復留夢炎之書為之慨然觀吳楚材答
錄事之詰朱浚語兵士之詞毛髮洒然恨不生同
其時助其怒罵也觀劉銳幼兒下拜受藥與王士

敏書詩于裾以死自誓又泫然淚落而不能自己
也嗚呼三百餘年樂育之效可見於此矣因釐為
七卷錄而藏之浙江僉憲王君廷光見之歎曰此
集所紀多宋史所遺者是不可使其無傳將刻諸
梓屬予序之嗟夫忠義人之大節也根於天性具
於人心凡立于天地之間而名為人者孰無是性
孰無是心哉惟存養不失則其氣浩然一旦遭事
之變觸白刃蹈鼎鑊而不懼若此集所載諸君子
是也先正有言讀出師表而不流淚者其人必不
忠讀陳情表而不流淚者其人必不孝予謂讀是
集而不咨嗟涕洟者尚可謂之人哉廷光佐外臺
風力凜然惓惓欲刻是集而傳之其所契者深矣

弘治五年歲在壬子夏五月庚午朔

賜進士第資政大夫刑部尚書盱江何喬新書

忠義集目錄

卷一

水村補史十忠詩

知潭州湖南安撫使李公芾

池州通判權州事趙公卯發

丞相都督信國公文公天祥

參政行丞相事陸公秀夫

前左丞相文忠公江萬里弟萬頃

江西制置使司都統密公佑

淮東制置使知揚州李公庭芝

樞密閩廣宣撫使陳公文龍

少傅樞密使張公世傑

四川制置使知重慶府張公珏

卷二

如村昭忠逸詠一

忠義總管田公燧

鳳守李公寔

西河知州陳公寅

守將楊公銳

沔州知州楊公起

通判王公友仲

階州守臣董公鵬飛

天水知軍時公當可

西河蘇晉公詩

都統曹公文獻

大安文獻元節諸公

劉文正公詩

董文正公詩

潘美公詩

潘美公詩

金州守臣和公彦威

統制楊公福興

卷三

都統何公進張公玘

同慶知府李公冲偕死節諸公

四川制帥陳公隆之

臨江軍守臣陳公元桂

昭忠逸詠二

總統黃公仲文保義廉公節

觀使許公彪祖

都統張公桂金公文德

援襄都統制張公順

援襄都統制張公貴

守襄都統制牛公富范公天順

沙洋堡裨將邊公居誼等

饒州守臣唐公震

卷四

昭忠逸詠三

丞相江公萬里弟南劍州知府萬頃

宗室趙公崇源

端明招討使汪公立信

丞相信國公文公天祥

從文丞相戰死諸公

常州守將王公安節

知府姚公訾

湖南安撫知潭州李公芾

知衡州尹公穀

江東運副趙淮妾某氏

都統制密公佑

沙市監鎮司馬夢求

卷五

昭忠逸詠四

淮東制置使李公庭芝

都統制姜公才

浙西提刑徐公道隆湖守趙公良淳

參政高公應松

蜀帥張公珏

太社吳公楚才

儒士王公士敏

樞密丞相陳公文龍

嗣秀王與擇瑞安守臣方洪

建寧儒士朱公浚

處士林公同

丞相陸公秀夫

樞密張公世傑

江東制置使謝公枋得

廣西經畧馬公堅

美人朱氏

孺人林氏

臨江潮州惠州靜江池州等處死節諸公

少主納款

卷六

附錄諸公詩一

唐清父

甲戌客臨安

和朱以性

杭亡

閩亡徙東廣

廣亡徙海

厓山亡

江南四忠節

丙子紀事

懷黃小牧

讀史懷友

方虛谷

挽呂襄陽

丁復見

國家圖書館, NATIONAL CENTRAL LIBRARY, TAIWAN, R.O.C.

可惜

彭秋宇

樊襄失守

江上師潰

南征

再平南擾

西風

庚申喜聞

邊事

乙亥紀聞

乙亥冬

讀吟嘯集

秋興

世事

國家圖書館, NATIONAL CENTRAL LIBRARY, TAIWAN, R.O.C.

聞鬼

感舊

罪言

閑愁

感舊

鮑以行

重到錢塘

柯茂謙

魯港

程自修

痛哭

安如山

曹將軍

師道立



國家圖書館, NATIONAL CENTRAL LIBRARY, TAIWAN, R.O.C.

出陽渡江

咸淳庚午朱尚書席上醉歌

曾仲材

挽曾參政

無名氏

經賈秋壑故第二首

王介夫

題劉如村昭忠逸詠

卷七

文天祥詩

越王臺

黃金市

太和

金陵驛

附錄諸公詩二

汪楚狂

感慈元毅

劉水村

西提

錢塘懷古題仙源雲仍家譜

雲仍趙宜誠

劉子長

羅宜城

趙則榮

聶思敬


黃雲龍

王中行

胡道光

甘伯清

國家圖書館, NATIONAL CENTRAL LIBRARY, TAIWAN, R.O.C.



國家圖書館, NATIONAL CENTRAL LIBRARY, TAIWAN, R.O.C.

周
桃
川

彭
文
博

李
叔
鈞

忠義集卷一

補史十忠詩

詩以厚倫美化為本非曰諧俗寄情而已即千篇
奚益每思張許二顏同時死國名芳唐史與天長
存近代死節數公何愧往昔顧麥秀黍離無繇
柳州狀逸事上太史庶幾不朽竊以慨念更後幾
年遺老漸盡舊聞銷歇將無復知有斯人者悲夫

事詳第四卷昭
忠逸詠

平楚城樓名

自己二字恐有誤

哀哉死臣子職分古人常事爾死矣寧顧其傳不
傳乃亦不可無傳者為其係藝倫闕風教厲後代
之臣子媿前日之不如數公者也採清議得忠義
臣十人史不書各賦十韻纂其實曰補史詩

知潭州湖南安撫使李公芾

三已甘退休十連起遲暮伊誰急求子流落乃不
怒黑雲來如山殺氣震平楚恭惟君父命封疆以
身護闔門義不辱呼卒汝善處飛魂隨劍光自己
投火去天泣鬼神愁地搖山嶽仆吾非莒柱厲敢
以死醜主正自常事耳命義逝安所冲遠誰與儔

睢陽有張許

吉愷字祖冲丁穆
字彥遠皆晉忠臣

池州通判權州事趙公

卯發昌州人
妻雍氏

事見第三卷昭
忠逸詠

若人作何狀立節乃殊偉人言此蜀珍位卑名未
起坐分秋浦月攝此千里寄沙頭風色惡寒城凜

弘字似亦未穩恐是
孤字吾聞亦恐有誤

弘峙吾聞開闢迎棄道亦復恥茲惟城郭臣大義
吾知己間道走帛書灑血別玉季細君絕可人雙
飛同一死南八彼男兒此婦乃如此骨朽香不廢
吾詩當清史

丞相都督信國公文公

天祥丙辰
狀元

事詳第四卷昭
忠逸評

時平輒棄置事迫甘前驅嗚呼忠義臣匪直科目
儒江寒胡吹急列城同一趨豈不寄便安綱常乃
當扶移檄倡諸鎮奮袂躬援袍川決莫我回萬險
棲海隅天子復不濟道窮竟成俘一死事乃了吾
頭任糊悠悠譏好名責人無已夫三衢有魁相投
老作尚書三衢魁相
謂留夢炎

參政行丞相事陸

秀夫

事見第五卷昭
忠逸評與張世傑
合載

天地無託足海天同隰光明知復何為不忍隳三
綱裸薦覲少延謳歌寧遠忘或者莒在齊聊且帝

一方竭蹶竟委頓臣謀非不臧運去天莫留力盡
心彌強終不負吾主名義天地長懷墮隨龍遊舉
室水中央斯人文華士乃爾百鍊鋼機雲儻通譜
應羞朝洛陽

前左丞相江文忠公萬里弟

萬頃

匡廬雲錦屏鴻儒產其下風神儼如龍天矯莫可
駕卷懷經濟具婆娑洛中社恠事玉牀搖清晝天
忽夜突騎從何來陰風飄屋瓦大臣義有死欲避
吾不暇庭前環止水萬事付一捨從容友靈均朝
野動悲吒愍章極哀榮汗簡誰記者倘有南熏書
季方足堪亞

江西制置司都統密公

有

臣有置身義豈計官崇卑偏將知死忠不曰天下
奇漢節既披靡失位趨江西閫帳駐臨汝招徠樂

事見第四卷昭
忠逸祿

重字誤定作董

事見第四卷昭
忠逸祿作佑

置當作致不曰二
字亦恐有誤

其歸雪寒南浦愁羽檄斬濟師一將奮風虎鼓行

亟蹙馳躡嶺疾戰苦裘瘡呼健兒坐縛膝不屈伏

鎖甘如飴小臣裨校耳職也宜死綏廬州大將在

白首豎降旗

淮東制置使知揚州李公

庭芝

淮海接風塵胡乃似鏡壁臥護有天人十載藉福

力重來人未老愁絕事如昔苦戰孤城危痛哭天

柱折夢遊三山上人倫浮海出突圍志南征吾欲

重建極天弗鑿臣忠冥冥墮叢棘先軫面如生長

弘血化碧臣死誰復知臣忠終不易一將更大事

嚼舌死罵敵

樞密閩廣宣撫使陳公

文龍 戊辰 狀元

淳熙名宰孫比德粹如玉決科魁偉英駸駸薦冠

肅類田頌諫疏相嗔俄喉逐補郡仍免歸黃流已

事見第五卷昭
忠逸詠

人倫二字亦有疑

事字恐是奇字
一將謂都統姜才

事見第五卷昭
忠逸詠

相謂賈似道

丙辰魁文天祥也

事見第五卷昭
忠逸詠與陸秀夫
合載

金山句未詳上恐
有誤

事見第五卷昭
忠逸詠

漫陸天族日光薄力疾支顛覆蹉跎南冠繫道病
死不辱徃昔五峰堂傾蓋語跋燭斯人真妙人哀
哉慳厚祿長揖丙辰魁各天並黃鵠不有二忠存
千古笑科目

少傅樞密使張公 世傑

士有守節死豈以責武夫武夫尚能竒消得銀管
書何許熊虎英鐵面美髯鬚護寨久枕戈赴難甘
捐軀金山定活着志願嗟違初江心集羣策炎精
回一噓間闕障海嶺萬死存趙孤時也可奈何北
風散檣烏漂漂竟何之無乃膏鯨魚渭濱多貴將反
笑斯人迂

四川制置使知重慶府張公 珏

坤維拓提封形勝古天府血戰五十秋零落餘八
柱江南傳箭急誰暇此回顧落日古渝城杖鉞乃

甚武天東甌雖墮吾自強
支柱渡瀘躬討逆歸來
戰彌苦蕭條下夔門機
穽伏中路咄咄快敵仇
誰

歟掩坏土哀哉關西雄
國亡猶不負同時督軍
將
腰金挿雙虎

右襄園以來死忠者不止此然多所不知知其
詳且顯者莫如此十公故先賦此十詩尚俟續
書以著大節噫十詩存即十忠不忘十忠不忘
吾十詩亦永存矣是未易與俗子言之兒輩深
藏之非深於詩精於
理者勿輕示之云



忠義集卷二

昭忠逸詠

士見危致命此立身之大節君子道窮之時但當
委致其命以遂吾之志而已功業係乎時忠義存
於我於漢唐得諸葛公狄梁公郭令公天下服之
社稷生民賴之可為委質事君之法若時與道違
當效杲卿真卿張巡許遠輩庶幾君臣之義盡矣

昭忠逸詠一

宋史未修其季世仗節死義之臣將遂湮沒而勵
賢善俗士君子之所當為也南豐逸士劉如村作
昭忠逸詠茲以見示觀其事蹟具備贊詠警策誠
有益於風教者焉嘗聞劉後村有詠史三百首游
清獻公愛之携入都堂今如村之逸詠實可備太
史氏之採擇非特游公之賞識而已噫五倫之道
五常之教周浹維持於上下數千載之間者如一
日非人力之為皆天理之同然也覽是編者亦克
用勸文學掾相臺岳天祐書此以識所曾觀至順
壬申中元

如村自序

禮曰謀人之軍師敗則死之謀人之邦邑危則亡
之其有偷生徇利者豈禮也哉子曰志士仁人無
求生以害仁有殺身以成仁其是之謂乎嘗讀下

侍中顏平原暨張許二公死節事未嘗不潛心緜
閱若身處其間雖歷千載猶使人興起也非志士
仁人乎宋末革命豈無繼踵者顧湮鬱弗彰殊可
歎也欽惟太祖皇帝啓運朔方肇興大業世祖皇
帝神聖英武受天明命混一區夏兵威所鄉罔不
解甲投戈以迎王師亦復有不忍遽忘君父背城
借一戰者豈違乎天命哉為臣死忠古有明訓則
亦惟曰臣子職分爾苟食祿避難含恥易節朝為
仇敵暮為君臣於義何在春秋袞斧何所逃也善
乎翰林侍講學士元公明善志集賢直學士文公
陞之墓曰宋死節臣少保右丞相兼樞密使信國
公姓文嗣子某官某書法昭昭則世之公論豈氏
矣追惟仗節死義之士事日益遠歲日益深遺老
日益凋謝舊聞日益銷泯其不與草木同腐者幾

希蹤日搜討遺事賦五十律題曰昭忠逸詠惜乎
材跡筆弱無能發揚姑志其槩以彰節義俾死封
疆死社稷者含笑九地曰吾名不泯矣寧不少慰
忠魂於千載乎寧不為明時風化之一助乎於是
乎書

至治元年辛酉日南至豐民劉麟瑞稽首再拜謹
述

昭忠逸詠

如村劉麟瑞撰
天水趙景良秉善編集

忠義總管田公燧鳳守李公寔

鳳州在利州西沿漢為武都郡固道河池
嘉州南齊政州西魏鳳州隋立河池郡唐
鳳州又改河池郡後為鳳州

天西戰士競銜枚乘會闕夷路始開兩蜀金湯隨

國字恐誤
政作致

水逝三秦烽火照天來鳳州文武渾無愧馬嶺英

靈只自哀後夜魂歸何處寓隴頭瀟洒一枝梅

辛卯三月十三日大兵自興元府邊面來會闡入守界十八日闖鳳州至馬嶺堡忠義總管田燧以兵三千駐堡鏖戰數日援絕死之四月二十七日臨鳳州知州李寔通判張度教授張叔寅死之

西和知州陳公寅守將楊公銳

西和州在利州西路秦隴西郡臨洮縣西魏岷州隋唐改臨洮郡政和郡後岷州宋以金人請和改西和州

陰風蕭颯起黃埃鏃騎追奔動地來石堡梯空天
險壯水門釁隙殺機開不期漠海鵬千里自守封
疆鳩一杯四十萬民登鬼錄伊誰為使哭聲哀

辛卯秋八月十四日大兵陷西和州初楊銳為推鋒統制領千兵戍守與陳寅率兵民憑城死戰俘殺甚多西和削山為基四面陡絕獨水門一路有釁將官劉卓扶小兒踰城以水門降大兵乃併力攻陷寅與其家四口自鳩死銳率壯將力戰死寅先籍城中三十七萬九千單八口去急制司求援至坐盡藏焉

沔州知州楊公起通判王公友仲

沔州在利州西路漢沮縣地蜀立梁州梁立武興國魏立興州唐興州宋因吳曦之

變改
沔州

談笑誰將敵將殘沔陽屯戍怯孤單兵威到處降
非易地利乘機守亦難五馬交綏凝血碧貳車含
憤剖心丹文臣武將均無忝不負吾君不素餐

辛卯冬十月十七日大兵至青野原都統張方以兵二千守之
部將馮澤偽降誘殺未將速不罕遂拔營去日攻沔州都
統知州楊廷戰死通判王友仲死之沔陷

階州守臣董公 鵬飛

階州在利州西路漢武都郡西魏
立武階郡改武州唐武州改階州

相傳報怨撼階州虎旅飛來晚敵樓楛矢蔽空天
入暝鵝車衝壘地生愁金城魚肉千年恨闔境衣

冠六日休莫怪傳家猶強項雲孫忠節更風流

十一月廿七日大兵逼文州聲言報花石峽之役都統曹友聞遣步
將全貴往援戰歿詔朝自文合兵攻階被圍援絕知州董鵬飛拒戰十
二月三日城破鵬飛全家死之六兵屠其城

車疑當作軍全
當作全

花石峽之後詳下
曹友聞章此與
下章並合曹事
連者乃元兵由隴
入蜀之關鍵也

天水知軍時公 當可
西和總管陳公 瑞

延即延字

天水軍在利州西路秦天水隴西縣漢立
天水郡魏改秦州宋秦州為虜所陷惟天
水縣獨存乃
立天水軍

天水西和兩將強七書貯腹負剛腸魚麗陣布刀
如雪馬革屍空骨似霜廉蔭昔存秦莫敵關張今

敗蜀終亡輕財得士人猶惜長想英風慨智囊

丙申端平制司檄時當可知天水軍有大安提兵度關之官三百九日趨麥山積山擣北塞斬
首數千級翌日大兵乘其跋涉初至擁眾追躡當方力戰死兵士盡歿夏四月大兵至同慶西
和州提管陳瑞提兵延屯遇大兵於赤米谷力戰不敵亦死當五言文舉天不士人之古者及聞相
得從友聞軍屢立功智數膽略在聞自謂不如尤輕財得賞賜均與戰士死之日妻子亦立
瑞字伯玉和貢士也累戰有功軍民惜之

都統曹公

友

及大安夜戰死節諸將

雁塔名香本一儒執爰幾度為前驅元戎却敵世

間有教授提兵天下無花石峽塵忠勇奮水牛嶺

度死生殊英風壯節誰能匹千載人稱大丈夫

勇戴兜鍪學六韜赤心報國是英豪遍身膽在存

全蜀盖世名高懼短曹雞堡出奇師旅沒龍門盡

銳弟兄勞當時制帥猶多計獨向深山遠遁迹

友聞同慶栗里人也擢兩戎第為天水軍教授以功名自任制司命招忠義
就以為僑管所部皆兩界亡命及武仙汪世顯麾下回西夏十八族之歸附
者敵甚畏之目為短曹遍身贍友聞遂以遍身贍為旗號每戰勝即分其家
貨以賞丙申秋八月二太子及塔海元帥以精兵五十萬於初三日入大散關友聞議堅
守沔州合會四川忠義赴沔制司連檄友聞屯大散友聞不肯以軍令友聞
嘆曰武休出奇前既失機沔陽陸守今又制手肘以此誤蜀必亡吾與俱亡矣
九月九日不得已離沔赴大安十六日至謀於沔將曰前月沔州主客將殊故北兵
月餘不敢動其奸謀欲誘我也制司已墮其術沔州既不守敵已得志大安平坦
旦夕必併兵至若与之戰深寡不敵止有雞冠山一堡可守然無糧無水沔居能
堅守五日乎沔將曰若堅壁不戰何止五日但恐糧盡友聞曰今見兵二萬以一萬
付汝等守此山而自帶一萬出奇彼以此謂我在堡上必求攻我等逆折其鋒佯敗
入堡我決乘夜擣其背以兩聲鼓為號聞聲則出內外夾擊又令大散陽
平關以誘敵營內不立旗幟炊烟不出突難犬不聲二十日大兵至十八里二十
一日友聞入教場選精兵健將皆二十以上四十以下忠義七千人兩戎司兵七百
人夜一鼓渡由大散渡江直徑七箭堤並上三百餘里復渡江而斡未劉漢黑
水一帶右道出敵背退伏二十二日大兵節次至先有哨馬至見關門閉
無人徑入伏兵斬之大隊繼至曹萬劉孝全麾兵戰關外自辰至未大兵敗績日
暮萬等斂兵駐雞冠山大兵環壁擣擊排木數層圍之二十七日友聞探知大兵
已掠大散令沔軍束裝戒沔將曰我曹家一軍累年忠赤報國聲撼秦隴今
與汝等在敵之背正欲出敵不意用奇制勝且北兵今號百萬為必取蜀計沔
君食君家之祿用民之財正宜奮發忠勇立功上報國家下報蜀民大丈夫當於
死中求生當先鋒復用可提兵奮入陽平關直趨北營王漢臣呂嗣宗可提
兵分頭入左右隘奪隘口入關統制王畏可專駐陽平關外捉賊馬居常夜
劫寨止二三百人今提萬人謂之夜戰各帶白搭膊以全勝二字為號再三告戒訖
遂進行二十里少憩值暴雨如注索途實行嗣宗謂友聞曰今大風雨不息人
馬疲乏不若在此待雨朝友聞曰雞冠山無糧無水無城初約五日今已十八
日此山一破技無所施雖大風雨機會豈可失也至水牛嶺分三道入北營轉戰
至曉破數十營直入陽平關北兵備內不備外又以雨作盡歸輓帳殺死十數
萬雞冠山之兵聞鼓聲出堡夾擊轉戰至四寨二太子欲取韓溪路走
會天大散分騎者百十隊更迭馳突慶戰二十八日午未間友聞馬中教箭步
騎五六百人將曰軍雖戰沒然殺敵亦過半將軍曷若突圍而出以圖進奉
將軍身在敵決不敢入蜀友聞乃率餘騎突陣而出敵俱披靡至酉戌時友

聞中流矢下馬步鬪死之夏用等將皆戰死曹萬僅存五百餘人入堡謂劉孝全曰元既亡兵盡堅守此堡猶可制敵然即日無糧與其坐待以亡孰若突陣而出子則可不死與其俱死二十九日黎明率將轉戰至龍門萬者全俱死之王宣守七里堡面中兩矢亦死曹兵苦戰制司各遠遁不遺一兵為援三泉之下白骨山積大兵不意友聞盤旋大安搜戰地三日得遍身膽旗及其屍然後率手加額平步入蜀矣制司嘗語以旗曰元戎却敵世間有以教授提兵天下無每戰揭之前驅友聞昔年與大兵戰於花石峽獲捷

制參王公 頌

十萬天兵壓錦城繁華一瞬鎖連營小臣獨守紅
蓮幕大義難忘白玉京虎倒龍顛塵瀆濇天陰雨
濕燐縱橫唯唯白骨成京觀愁絕靈龜召禍萌

大兵既滅曹軍遂破閬州取潼川路直入成都十月十七日至懷安軍金堂縣策馬渡江成都太平日久不識兵革制使丁黼昏庸無謀哨馬至閬猶晏然十八日巳時哨至漢州牟池鎮鉄騎三百申時至成都城北駟馬橋城中忽聞有軍至疑是潰兵大兵沿城至大東門徑登城十九日大兵往來城中居民皆縱觀向晚五巷內南商數人擒殺一騎民間始知是大兵市人或執挺與馳或以几卓擱截街巷大兵復出屯城外二十日巳午時再入城居民皆閉門有舉家縊死者有舉家自焚其制帥丁黼與楊王茶幹徐監倉道微服至南門假道石笋觀音院哨及六人俱死二十一日官屬俱遁惟制司參議官王頌及僚屬二人召軍民立賞格與共擊北兵二十四日大兵步騎十萬至成都入自東門二太子坐府衛文昭廳令下其占其法用五龜真五盤中按五方五龜動不止卜者曰民心不歸成都是四絕死地若住不過二世不若血洗而去二太子大喜火殺二字城中百姓無得免其大光照百里大逼制參王頌公蒙秉笏堅坐兵上何龍扶至府衛東所避火大兵問是何人頌曰小官倉君之祿臨難不能救死有餘責可急殺我又問何以不去曰願與此城同死大兵相語曰忠臣也令人守之戒勿逼二十六日府治火龍又扶頌至柳隄赴井死

權知文州劉公銳通判趙公汝薈

文州在利州西路漢廣漢郡晉陰平郡後周立文州唐文州改陰平郡後文州移治於故城高原上

江流移浚向南山渴死全城膽亦寒叛將踰城機

盡泄嬌兒飲藥淚空潛封疆事去君臣在忠孝名

存父子難五萬軍民同日盡可憐巷戰尚問關

大兵攻文州權州劉銳通判趙汝薈激勵軍民八千堅守自九月十九日晝夜接戰五十餘城無水仰給江流大兵別浚江道移向南山城

中水絕人馬渴死過半有與元都統陳昱以暹拘文城夜踰城出降告以虛實攻益急銳自度不免夜集家人盡飲以藥聚屍及金帛誥命焚之銳家素有禮少子同哥銳所鍾愛飲藥時同哥猶在抱下拜而受之左右大慟銳與長子及餘兵皆渴悶僵立不能行銳自殺汝薈突圍被執鬻殺之城破餘兵皆奮空拳巷戰死被圍七十五日軍民死者五萬餘

綿漢簡州諸公

綿漢簡並屬成都府路
綿州廣漢涪縣先王分立
梓潼郡西魏置潼州隋改綿州唐改金山
郡巴西郡後綿州宋朝因之漢州漢蜀
郡分為廣漢西漢新都國宋齊廣漢郡後
周廢之唐立漢州又漢陽軍後漢州宋因
之簡州漢武分蜀郡置犍為郡魏置資
州隋置簡州唐置簡州又改陽安郡後為

簡州宋
曰之

綿漢風酸動殺機北來遠騎遙馳幾千里地弓
刀運百萬人家骨肉糜鬼哭神號無限恨蠅蚋
嘅有幾悲平生食禄何從避留取香名百世垂

大兵入簡州州人李大金死安軍史顯孫起于簡亦死
至長州遂到簡州書云一宗室大保率民兵城中大保出城往羅山
福善寺住持無幾遇大兵是殺之破城而入血流積成池共十萬餘人皆
與李氏同死其後李氏教授李杜辰和孫羅君父皆遇害如信州范辰
孫死

金州守臣和公 彦威 統制楊公 福興

金州在利州東路秦漢中西城縣東漢西城郡西魏改金州立金城郡隋為西城郡

唐後金州宗平
蜀改昭化軍

魏祚曾是守饒風扞拓金房未易攻十八谷開通
徼外五千兵勁入關中賀蘭不救睢陽敗諸葛猶

存越舊功當日更推楊統制馬傷軍沒箭飛紅

彦威守金州八月大兵入蜀時遣兵守饒風關不攻而過彦威與忠順軍
統制張玘謀誘其虛十一月挫兵五千送金州等口十八石徑詣長安襲其家

計寨是年北兵至成都不久駐兵以彥威牽制也及大兵自鳳州出彥威始由上路歸其後泚州殘破彥威提孤軍守孤城外絕救援而堅壁屹立大軍攻饒風不下乃自箐口斡腹明年六月大隊泛谷中奄至百道攻城彥威死之金州陷謀窺開達下瞿塘夔州路安撫盧普集兵命李安國節制洪軍分守雲安白帝等關十一月二十七日大兵忽自州沒卧龍山突至白崖統制楊福興戰不利普及安國遁福興再戰八績所部止三千殺傷相當收兵入關大兵四面慶之前軍汪統制戰沒西門餘兵止三百人福興猶戰不已援不至死之兵皆沒

忠義集卷三

都統何公進張公珮

昭忠逸詠二

老將由來進退宜
幾回料敵計何竒
地分南北興亡兆
天限關山戰伐疲
兵已不支猶奮臂
將仍盡銳慨輿屍
坤維烽燧休頻舉
猶恐英魂待出師

辛卯冬十月二十四日大兵攻大安都統何進開關以戰殺北馬七百餘
厲兵再戰忽望山波狼烟救通大兵自龍門由馬家陵斡腹已趨大
安四十餘里進急分兵防遏至新灘兵寡不敵進及統制王浩王侃呼
延械皆死戊戌冬都統張珮隨制置使王履正行邊入綿州十月十七
日走彭州之竹溪大兵進襲逼甚珮以二千人伏山谷中自將五百人
陣於谷陰北騎五百衝其陣珮弓矢齊發驍引趨谷陰伏發錯愕珮

呼曰我是張蕞子可急投降不降更何處走屢兵薄之六兵遂劔玃雖
搜而大兵追襲不已再戰于導江履正已度玃為沒拒三日糧絕力倦
急引兵趨檣、已封乃入茂州界險隘失援軍不咸列又戰于牛
溪威戎闕玃死之部將孫棟收散卒屯汶川什存二三

同慶知府李公冲偕死節諸公

同慶府在利州西路秦為隴西郡漢立武
都郡晉仇池郡西魏成州隋漢陽郡唐後
成州宋中興
并為同慶府

諸公耿耿抱精忠炎運將灰日不東北戍躡陵羣

盜劔西陸震蕩列城空香凝燕寢榮何在鼎沸魚

遊計已窮玉石俱焚天亦泣千年誰為憶高風

辛卯十月二十三日臨同慶府知府李冲放援伊震死之二十五日攻
殺金坪統制趙章戰死端平乙未八月十五日統制張慶戰死于河
池嘉熙丁酉十月二十四日大兵至嘉定知府張謙牧全家死大兵至遂
寧府轉司主管文字趙拱宸死四川總領財賦王珣被執死戊申冬
十月十八日大兵至黎州通判何亮不屈死中領部渠帥石戴以千
兵與大兵戰沒己亥正月十五日哨馬至成都城外都統秦忠孝由
廣安引所部至遂前鏖戰軍士死者萬人忠孝父子皆死之十一
月二十二日大兵至施州知州鮮于渭被執死

四川制帥陳公隆之成都十六州六十一

古蜀國秦置蜀郡漢曰益州晉改成都國
縣 成都府梁州域
宋齊並益州唐改成都府趙宋因之

狼烟又起錦城邊帥聞謀疎亦可憐先軫元歸應
有恨萇弘血化豈無冤百身莫贖誰三酹一死真
成蓋萬愆遺事如今人不記綱常猶幸立西川

辛丑冬元帥禿薛以兵攻夔都制使陳隆之嬰城固守大兵苦攻不克
欲退而都統曰世顯聞大安門大兵遂入執隆之先殺其家制司參議
蒲東鄆而下死共十數人執隆之至漢川俾招都統王夔而隆之止
書城破執四字示之且呼夔勉力堅守禿薛大怒手刺殺之事聞
贈待制立廟推恩族房以為嗣知
隆州蒲東憲被執不屈死

臨江軍守臣陳公

元桂

臨江軍在江西路
荆揚域吳地漢豫

章郡領新淦吳安成郡領新喻南唐筠州
領清江縣宋以清江為臨江軍隸以吉之
新淦表之
新喻二縣

衡湘幹腹抵清江太守乘城誓不降哨馬遠嘶驚
墜鏑雄兵遙吒殞飛鏃玉麟符已還宸陛金鳳洲
堪隱帥幢寄語豫章徐孺子聞孫勳業嘆無雙

己未大兵至臨江軍制置使徐敏子寓閩金鳳洲擁妓王妙日酣
飲以兵少辭不迎過哨漸近士民恃敏子不遠避郡無城列木為柵
哨騎將至知軍陳元桂坐城門飛矢墜前衆勸其少避不從俄而
大兵至不屈死之事聞特轉五官贈章閣待制立廟賜諡正節賜

錢十萬助塋官其二子制司近隔一水終不調兵士民趨浮橋將依金
鳳洲斂子已斃橋自保遂擁入水死共十數萬人願沒斂子屍死封
州按封州在廣東路古南越地

總統黃公 仲文 保義廉公 節

誰刑白馬誓西園背却宸旒弃塞垣存孝得名嗟
虎噬麗瓊失節效厲奔父天母地君知否婢膝奴
顏子勿言罵不絕聲軍又散更無人肯為招魂

辛酉六月都統知瀘州劉整以瀘障北人稱整曰賽存孝武翼
部荆湖北副總管從統援蜀汝黃仲文有衆三千戍瀘衆欲
乘未定奪舟東走整誅之曰以俞興兵故投拜與公無傷也事定當
厚禮遣公翌日整乃分散其兵誘使降仲文大罵不屈整殺之保
義節廉節奉制檄羅麥于瀘不降遇害事聞仲文贈武顯郎
除致仕恩澤外更與一子恩澤節贈忠訓郎與一子進武校尉

觀使許公 彪祖

元戎忽已化鯢鯨少長呼來就此烹科第昔曾誇
冠世衣冠今忍負平生休教秉筆修降表乍可捐
軀肯獻城壹惠已彰幽壤慰巍巍廟貌煥高甍

彪祖簡州人狀元奕子也罷郡奉祠祿高居瀘城人稱許現使劉整
使修降表誘之降彪祖朝服以拜天地祖先率一家由火而長自絞

俞興兵見汝張
桂幸

死贈中奉大夫直祕閣除致仕恩津外丹与一子恩津謚介節立廟

都統張公桂金公文德

已獻金湯又返鋒師奔山市甲猶衷鼠曾守隘機
潛伏猿欲投林計已窮祭燾有靈嗟二將死綏無
愧慨孤忠度瀘露布誰人筆謾託當時制帥功

制置俞興都統張桂金文德等收復兵逼城營出兵江上大
戰敗走逐北至城門僅得入氣息垂絕興弗知不能乘勝奪門
乃以日暮收兵明日營棄城拒守乞紐濟濟師與復圍城城中勢
甚窘促而大兵來援八月擄圍城兵命都統王達晨往迎敵遠

午後摘東門圍城卒往助易他卒補缺更替未定間整登城見而
悟亟命勇士從暗門突東圍始惟百十卒繼乃大至衝與師大潰興得
小舟奔南岸黃市還重慶達聞敗亦遁附馬尾渡江士卒擁溺者
十八九沃屍蔽江而下惟桂文德力戰不敵死之桂嘗守老鼠隘軍中號
曰老鼠張桂誓取整一日整令呼曰吾今日放猫捕矣桂以氣吞整不
戒果圖害事聞贈桂容州觀察使文德復州團練使

援襄都統制張公

順 襄陽府在京西路
荆豫之域楚地秦兼

天下自漢以北為南陽自漢以南為南郡
云魏分南郡置襄陽郡魏失江陵南守襄
陽晉為荊州治所東晉於襄陽置雍州西
魏及隋唐皆為襄州唐陞為山南東道節
度以襄州為襄陽府宋朝因之真宗潛藩
陞襄陽府寶慶間以京湖制置安撫兼領

今統郡七領
取四治襄陽

滔滔一水會襄流
派接均房密運籌
虛舫設機要
吊屈危檣抵壁暫安劉
千兵效死旌麾合一將
捐生介冑浮獨遡
長橋猶不瞑為持忠節報凝旒

事連下三事連看

大兵圍襄陽五年宋國知其西北一水曰清泥河原於均房於彼造輕舟百艘以三舟聯為一舫中一舟裝載左右舟則虛其底而掩覆之出重賞募死士得三千求將得民兵部將官張順張貴智勇素為諸將所服得為都統出令曰此行有死而已汝輩或死非存心宜亟去毋敗吾事人人感奮至申夏五月漢水方生發舟百艘每艘載卒三十鹽一袋米布二百匹及他物以二十二日稍進圍山下越三日又進高頭港口估方陣於船置大鎗大砲熾炭巨斧勁弩夜漏下三刻起碇以紅燈籠為號貴先登順殿之垂瓦破浪徑犯重圍至磨洪灘以上北舟布滿江面無罅可入眾乘銳凡數錢巨橫棹數百大兵迎敵近南船躍入竟墮中溺死萬計轉戰百里二十五日黎明抵襄城下城中久絕援聞鼓至踴躍增氣及收軍獨失主將張順越城日有浮屍沂流而上被介冑執弓矢直抵浮梁視之順之身中四鎗六箭怒氣勃之如生諸軍大驚以為神法塚斂墓立廟祀之

援襄都統制張公 貴

忠勇堂堂貫斗牛
英雄端不愧
兜鍪鹿門雲合張
羅網龍尾波翻化
髑髏雙廟有靈開
正祀孤城無

後中流由來死節男兒事却笑明年有各蓋

宋襄陽帥臣呂文煥以城降右武功大夫
馬軍統制牛富守樊有功樊破守襄城降之際傷重不能步乃
就戰樓以首觸柱救四投身火中死沒贈靜江承宣使賜諡忠
烈妻胡氏封郡夫人三子若予恩澤羈武功大夫都統范天順與張
降卒四人昇屍至襄令於城下曰識矮張乎此女守碑皆天城中喪
氣文煥盡斬四卒以貴附范順處立雙廟祀之以比於張廷許處

守襄都統制牛公富范公天順

將軍志喜堅降幡偏將能知大義存頭觸危樓輕
烈焰脰經孤館凜忠魂聲沈刁斗推城影塵掩干
將滲血痕世遠事殊遺老盡更無人解說襄樊

至元十年癸酉三月十八日宋襄陽帥臣呂文煥以城降右武功大夫
馬軍統制牛富守樊有功樊破守襄城降之際傷重不能步乃
就戰樓以首觸柱救四投身火中死沒贈靜江承宣使賜諡忠
烈妻胡氏封郡夫人三子若予恩澤羈武功大夫都統范天順與張

貴因入襄及城降仰天大呼曰好漢肯降便死也做箇忠義鬼乃就所
守地分自謫死後贈定江軍承宣使賜諡忠愍妻徐氏封宜春
郡夫人二子各予恩洋仍賜白金
五百兩官田五百畝居黃

沙洋堡當亦在

襄之下流

沙洋堡裨將邊公 居誼 等

兵威破竹列城驚誰信偏裨不肯迎兩箭離弦聲
霹靂二雄交斃氣凜凜可憐侯服微臣在忍見人
間大廈傾萬木凋零風雪裏尚餘鏡樹一花明

甲戌十一月二十二日沙洋新城守將黃順踰城出降二十七日屠其城
據孝官邊居誼死之時居誼呼其侍張弓箭同共發應弦而斃
後傳為神

滿天詩之二

池州通判趙公 郊發 昌州人

昌州在潼川府路池州在江東路揚城古
鄣郡梁虜南陵郡隋置秋浦縣唐池州宋
因之

翰印者字

分守池陽歷幾時坐翰戰馬四郊馳半空矢石應
難禦一壘樓臺未易支血染帛書身永訣壁題詩
句世長辭細君含笑從君後忠節雙雙今古奇

至元十二年乙亥春二月大兵至池州通判權州趙外發嬰城守禦度不能支有弟在他州外發裂衣書一詩寄之曰城池不高深無財又無兵惟有死報國未生作弟兄又題于壁曰國不可負城難以降夫婦俱死節義成雙遂与其妻雍氏俱縊初六日武將張琳以城降丞相伯顏命琳於公帑支錢買棺欽葬作佛事以表之琳尋見殺

饒州守臣唐公

震

饒州在江東路揚城

江漢置鄱陽房廬陵隋改饒州南唐永平軍宋復饒州

遊騎如飛漸列營誰呼妓女出郊迎奔踰後圍迹

生拙執辱中庭就死明瓦甕掩形慵屈膝金章繫

肘吞輸城太常定謚應無忝贏得中流砥柱名

大兵至饒州通判促妓女迎焉將佐聚飲野寺止妓宿詰旦妓歸言曰昨所迎非真韃靼其言舉止皆南人也豈奸黠詐飾為盜邪郡守唐震謀勤之兵遂出大兵亦衝入城內亂震避于州治之後圍為大兵所執命之降不屈遇害有以醬瓿覆其屍於州治之廡下其大兵據城汝戒毋擄掠唯數泓撒花銀翰官江東提刑黃大任言敵勢鴟張如鄂如江如南康則曷降如寧國府守臣趙占則弃城遠遁張饒州守臣唐震誓死不去昨得判官鄧崇節報知為北兵所害已下奉州如法棺欽安葬乞行褒贈通判萬道因輒徇迎降乞行追勒於某贈震華文閣待制賜諡立廟之子與京官恩澤道用追三官勒停存司具衣冠欽震于其村得州印云

忠義集卷四

丞相江公 萬里 知府江公 萬頃

名重天閤侍太微昔年南國秉樞機人歸綠野身
猶健兵滿紅塵世已非止水亭前風淅淅鄱陽城
外草依依棣華相映人間瑞節惠隆名世所稀

大兵之下饒城也前丞相江萬里家城內聞變於其家止水亭前池內赴水死之閤門憲受屠戮弟萬頃前知南劍州亦遇害後贈萬里大傅与致仕遺表恩澤賜諡文忠

宗室趙公 崇源

南風不競慘悲聲
幙燕泥牛總是驚
玉牒名香時已逝
金枝花悴本難榮
身明六籍忠仍孝
軍滿孤城死亦生
後度推歌明月夜
江村村外寄幽情

崇源號江村寄居信州有詩名兵至郡自縊而死一本但言自死無縊死二字

端明招討使汪公 立信

如此奇才正可憐
曾陳大計為安邊
天存廟社施籌策
地限藩籬老歲年
獨眼明明尋趙地
丹心耿耿向淮壘
江南寸土聯區脫
慟哭高沙赴九泉

區讀甌

襄陽之受圍也立信帥湖南賈平章陳三策一謂內地兵多無所用宜兵抽摘可五六十萬赴江北或百里或二百里分置一屯各設都統江面七千里許屯相望設大藩府以督之急則上下沃互相應援必無能破吾聯絡之勢此以而勢成難達也下二謂久紮北使郝德何益不如遣使送之北歸喘以厚利緩其師期年歲間我江外之藩垣成氣勢亦固江南之生兵日益禍少行矣三謂若此二說不可行惟有準備投拜正欲激賈似道行前二策也似道見書怒罵曰瞎賊敢爾妄語蓋立信目青故云襄失立信鎮江陵未幾召為刑部尚書不拜大兵渡江起為端明殿學士沿江招討使立信知國事已去以其家囑愛將金旺時兩淮猶另宋守立信渡江趨淮會似道出督師相遇

江上撫立信之背注曰端明端明不用公言以至於此立信曰平章平章
曠賊今日更道一語不得矣似道問何往立信曰今江南無一寸乾淨地
欲去尋一尺趙家地上死要死得分明爾遂抵高郵寓高沙亭丞相伯
顏入建康駐立信宅有告立信嘗獻三策共伯顏顏驚嘆謂江南有人
若用其言吾安得至此因厚待其家議遣使迎立信歸金明不敢
泄所寓密价至高郵以報立信拊掌哭曰吾猶幸得在趙家地上死
也夫慟而卒蓋乙亥二月之有一日云

丞相信國公文公

天祥

金字牌飛出建章鬱孤萬壘為勤王驅馳嶺海君
臣寓囚繫燕雲道路長六籍一時光日月孤忠萬
里立綱常元歸凜凜渾生氣南北人誇姓字香

呂謂文煥以襄城
賣降女也

天祥字履善一字宗瑞吉州人寶祐丙辰進士第一時年二十一累任至湖
南提刑遷知贛州大兵渡江天祥首張榜檄累揚此呂罪狀計合義勇
期入衛君父卓為四方勤王之倡除江西安撫兼提刑乙亥去也天祥召募
應共雲合夏四月有祖母長解官汝墓起復趨入衛其兵以行甲精
於號令嚴肅未出境遽留屯隆興天祥抗章言軍士踴躍願赴國難為
勤王也奉詔留屯大沮士氣乞如前詔赴闕久乃許之八月至行在所駐兵
西湖九月除浙西江東制置使兼江西安撫使知平江府陞辭乞斬賈
似道豐鼓冬十月九日領兵赴鎮大兵已圍劉師勇於常州亟遣兵
五千救之二十七日戰于五木敗績賴將尹玉死之師勇單騎突圍走
常州下廣德軍繼下安吉危獨松千秋二關俱震京畿危急趨天
祥入衛十一月二十二日發平江既至拜疏自劾以所部州降陷乞請
誅斥詔不允令疾速赴督府議軍事進資政殿學士陞制置安

時与尹玉同戰死者
又有麻士龍見常錫
郡縣志有古廟在五
牧南彭郎村土人稱

廢尹二將軍廟又
按麻尹死事并見
元史伯顏傳

撫大使令置司餘抗守獨松關明年丙子正月二日兼知臨安府辭不
拜詣闕陳大計不得見所部聚富陽以侯十八日丞相伯顏營于臯
亭山十九日早以天祥為樞密使都督諸路軍馬會使轅文馳北師
約當國大臣相見執政侍從聚左相吳堅濟文贊天祥一行天祥見
奉使無留其欲往覘虛實歸而謀焉乃辭相不拜二十日以資政殿
學士出使見丞相伯顏元帥峻都天祥曰講解一事前宰相首尾非
予所知今太皇太后以予為相予不敢拜故未軍前商量伯顏曰丞
相未向者大事言甚善天祥曰本朝承帝王正統衣冠禮樂所在北朝
欲以為與國字抑欲毀其宗廟社稷乎二帥以詔旨為解謂社稷必
不動百姓必不殺天祥曰爾前後約吾使多失信今兩國丞相親
定盟好宜退兵平江嘉興俟講解之說聞奏北兵待區處何如
辯難甚至天祥曰能如予說兩國成好幸甚不然南北兵禍未已
也伯顏憤詰侵天祥天祥曰吾為南朝状元宰相止欠一死報國刀鋸
鼎鑊非所懼也乃齎麻天祥不使復還明日宰執吳堅賈餘慶謝

堂家鉅翁劉岳等以國降天祥遂前責伯顏失信留使又詔斥呂文煥引敵
陷國并斥其任師孟負國所募兵在富陽其潰而西歸二月八日堅等
以祈請使赴北併驅天祥登舟二十日至鎮江用其密杜澣計得逸與從
兵十人以晦日登舟夜走淮東三月朔入真州與守將苗再成協謀與復
天祥喜甚為移書兩淮帥將等初三日孝庭芝遣使至出文書述
脫回人李七二俱有丞相往真州賺城謂天祥為北用使諭再成決
無宰相得脫理縱脫亦無十人得同去之理何不以矢石攻之乃開
門放入邪意使再成殺天祥也再成憐之不忍害然亦不敢留出之西城
門外天祥與澣徬徨無所歸從者皆無人色再成俄遣二校將數十
卒攜行李還天祥衛送出境且覘其去就決處置行野中露刃甚
恟固叩其所向天祥曰揚州二校功令往淮西天祥曰淮西與建康太
平池州江州對境北兵布滿無路可歸止欲見李制使或能信我尚
欲連兵以圖興復二校曰揚州殺丞相奈何天祥曰信命二校知無他
志乃辭天祥贈以金而別夜經北成衝杖疾行三更抵揚州城下門守

森嚴既前後却風露凄清鼓角悲慘四更許曰李公必不見信徒為天石所
陷不如趨高郵從通州渡海歸江南或遇二王伸報國志徒死此無益也
將曉聞北哨至乃變姓名易服詭行間闕險阻閏三月至通州航海至
浙東至台州夏五月至瑞安五月益王登極于福州召天祥 月六日至
授通議大夫右丞相兼樞密使都督諸路軍馬與陳宜中並相首責宜
中當奉三宮與二王因奔奉仙奔其所重宜中慚嘿又數請其怯懦
紀綱不立權威用事且曰檀公上策不意公能得之宜中不樂見大
將張世傑向兵數多世傑以所部對天祥嘆曰公軍在此矣朝廷
大軍何在世傑亦不樂天祥乃詣府規恢江西七月四日發行在府十三日
至南劍暮兵冬十一月入汀職賴十二月初命招討趙時賞以兵三千
復賴之寧都縣千戶趙潛以兵自建昌至時賞去寧都復陷千
戶關某鎮撫孔遵以二十九日率師至明年丁丑表正月大兵向汀
天祥命江西提刑趙孟深領兵收復屯寧都城外不戰而退天祥退
屯漳州龍岩縣三月屯梅州夏五月復賴之寧都縣六月進據
興國縣遣兵攻賴不利七月江西宣慰使李恒統師至吉分將援賴走孟深于賴
城下恒以兵擣興國縣天祥窮追四百餘里八月十七日至空坑天祥敗執其
夫人歐陽氏及一子二女及趙時賞孫卓等天祥竄榛莽中追將囊家互貪
收金帛因得逸復收散卒冬十月入汀復出會昌入安遠趙猶戎庚春二月
屯惠州海豐縣三月屯麗江浦遣使訪問宋主夏六月宋主泊厓山天祥移軍
船澳八月至加少保進爵信國公冬十月屯潮州潮陽十二月東省元帥張弘
範舟師至移屯海豐是時止備水道不虞陸路也趙孟深為前鋒鄒鳳
殿北騎二百兼程追襲二十日午至五坡嶺望見山上步卒四集叩之左右咸
謂鄉人捕鹿也奄至中軍天祥被擒官虜士卒皆得脫於空坑等至是俱
遭執慘唯孟深以先行十里得遁明年二月六日厓山師潰國亡送天祥如
燕十月朔至燕械繫千戶所十一月二日以疾脫械初九日召詣樞密院長揖
不跪丞相博羅命譯者問有何言天祥曰我為宋宰相國亡職當死今日被
擒法當死復何言博羅曰有人臣將宗廟社稷城郭土地付與別國汝又
逃此吾天祥曰謂我曾為宰相奉國與人而後去之邪我前除宰相不拜奉

使伯顏軍前即被拘執別有賊臣獻國：亡我奉當死所以不死其以度宗皇帝二子在浙東若母在廣故圖去耳博羅曰德祐幼主非爾君耶棄嗣君別立二王豈是忠臣天祥曰德祐不幸失國當此時社稷為重君為輕君別立君為宗社計何謂不忠況懷愍而北其非忠況元帝其為忠況徽欽而北其非忠況高宗其為忠博羅曰晉元帝宋高宗俱有未歷二王從何受命張平章曰二王逃去其立不正是其君也天祥曰果矣皇帝是度宗皇帝二長子德祐皇帝之親兄何謂不正登位於德宗已去何謂篡位相奉二王出宮時具有太皇太后分付言語何謂無所受命博羅曰汝為丞相若持三王同走方是忠臣天祥曰此說可以責我：不曾當國也博羅曰汝立二王有何功勞天祥曰國家不幸喪亡立君以存宗廟宗廟存一日則臣子盡一日之責何功勞之有曰既知不可為何必為天祥曰人臣事君如子事父：不幸有疾雖死知不可為豈有不用藥之理盡吾心焉不可救則天命爾今日天祥至此有死而已何必多言皇上怒令吏引引去後入獄：中集杜句為詩備載所歷皆忠憤凄激意至午春自獄中寓書所親曰吾終之時惟書一贊於衣帶間云吾位居將相不能救社稷正天下軍敗國亡至為因虜其當死久矣頃被執以來欲引決而無間今天与之機謹南向再拜其贊曰孔曰成仁孟云取義惟其義盡所以仁至讀聖賢書所學何事而今而後庶幾無愧矣丞相文天祥絕筆冬因狂人薛寶位妄書告變指天祥為內應十二月初八日世祖皇帝召天祥于殿中天祥長揖不拜左右強之拜跪不可或以金槌槌其膝：傷天祥堅立不動主上降旨曰汝在此久如能改心易慮以事_亡宋共事我：當令汝中書者一位坐其對曰天祥受宋朝三帝厚恩號稱狀元宰相今事二姓實負此心非所願也主上云然則汝何所願對曰願與之死足矣主上猶不忍遽麾之退初九日宰相奏曰天祥既不歸附不若如其請賜之死可其奏未日宣使以金鼓迎之詣市天祥聞之欣然曰吾事了矣左右去其中戴黃冠荷械出顏色揚：不少憂時燕市觀其如堵宣使遍諭曰文丞相南朝忠臣皇帝使為宰相不可放隨其願賜之一死非他人比也宣使謂天祥曰丞相今有甚言語回奏尚可免死天祥曰死則死爾

尚何言天祥向市人孰為南東西北趨而南向再拜就死燕人凡有聞其莫不
嘆息流涕天祥死後大風忽起揚沙石晝晦咫尺不見人守衛皆驚言
州士人張弘道字毅中^夫穎千載心與天祥善隨至燕負其顛骨歸葬廬
陵天祥少有大志壯銳忠常世解儼其負顛勤王也誘其戰袍曰拚命
文天祥崎嶇萬里歸誦行朝赤心益堅卒死臣節芳名壯槩與宇宙
同不朽云

從文丞相諸公

奉檄勤王出贛城願從魁相立勲名吹噓炎運延
千載莫笑寒儒 五兵常郡戰餘森廟祀空坑敗
後麗官刑英才 指那能盡凜凜英魂死亦生

杜澣

鞏信

尹玉

趙時賞

張汴

劉洙

繆朝宗

孫卓

陳龍復

蕭燾夫

彭震龍

蕭明哲

常州守將王公 安節 知府姚公 嘗

時無錫人陳怡以胸
山令丁內銀在籍嘗

詳為通判反城攻書

死始敘兵巷戰或勸

之走怡曰去此步非

死亦矣亦死之其沒

元史官余闕檢得德

祐日記載始事甚悉

為三三傳又揚將任

宗達古錫人間大兵

且反則与子德良率

御勇赴急矢盡父

子俱死事詳廬陵

奔光薦為作宗達

傳。按此信國將

麻士龍及此陳揚

人俱不得見於昭忠

集中然則世亂書殘

之日天義我而亡名壯當

不知凡幾者極慨

又按陳昭忠見元史

初類傳

常州在浙西路 揚城吳延陵季子之邑

秦置延陵等縣漢改毗陵縣晉為郡又改

晉陵隋置常州秦以子楚改陽羨國任識

無錫寧天下平有錫兵天下爭故名錫山

守合名垂二十秋將軍今度更風流人誇同谷英

風壯天使毗陵殺氣浮守義只知伸我膝成仁那

肯護吾頭將門出將真男子一任糝糊血髑髏

閉門高卧本無惊起守鄉城更總戎名姓已符前

代史邦家能衛古人風金山不長僧成識鏡壁雖

堅卒易攻城守兩回希世事橘香不泯氣如虹

乙亥春三月大兵攻破常州將軍王安節被擒不屈死之安節前守合州節

使堅之子也夏四月督府總統軍馬張世傑復常州留劉師勇守之即家

赴姚峯知府事公橘州第三子也常自十月八日被圍至十一月十八日城破師

勇遁去兵憤其堅守屠之初大兵苦攻常不下城上語之曰若要得常州除

是金山長歌泣語也遂挾金山長老至長老懇死妄語此城乃龜形擊其

首破矣至是併兵攻南門遂克之嘗死之謚忠毅唐朝睢陽亦有姚闔

死節嘗古闔字也故詩云名姓已符前代史

湖南安撫知潭州李公 帶

潭州在荆湖南路 荆城房楚黔中地秦

置長沙郡漢高封吳芮長沙王都臨湘晉

補史訪之一

宋後下月訛脫

置湘州隋改潭州又改長沙郡

唐改潭州宋後武安軍節度

平楚樓頭矢石驚焚香稽首別宸京盡殲妻子期

全節寧死封疆不忍生烟燄張空隳趙壁旌旗倒

影下湘城善刀人在同觀化名與澄江一樣清

趙壁用項羽本
化字非用完壁事

至元十三年丙子春正月三日潭州下宋湖南安撫知潭州李芾死之潭
為荆湖重鎮殷實繁麗向慶兵難帥臣向士璧力戰堅守城迄金成
淳中襄圍急汪立信為帥預憂之為浚築排柵計湘人憚勞議其過
甲戌留芾少尖以現文殿學士未鎮大兵渡江明年己亥春宋徵諸道
兵入衛夏五月芾少尖盡提戍兵且席老府庫以行乃以芾知潭州
主管湖南安撫司公事芾蜀人僑寓衡州嘗尹臨安有能名一日因置
水桶防虞以油飾其外有請得油其內者芾笑曰今日如何由得內賈似道
方顯制弄權事多不從中浚聞芾譏已大怒嗾言井論擊逆被重劾列
之贓籍坐廢十年其門生曾淵子登朝祈似道得洗敘長江失守乃起芾
為湖南提刑是年正月拜命即家建臺闕數月陞帥將赴鎮遣其長子
避地南中以奉祭祀芾乃與親友別曰州無兵財誠知難守然君命無避
是行必不免惟一死與誠俱亡爾眾疑芾久廢缺望謾為朱言十月三日
右丞阿里海牙領重兵圍城連營環鎖城內僅存州兵守禦芾慷慨
自厲軍民咸歛死守大兵攻擊無虛日明年丙子春四月攻益急破其
西北城芾嘗厚一劄級沈安一日呼使前曰吾力盡不能守矣將就死
勿使吾身為敵得其為我掩瘞焉汝宜先殺吾家眷而後殺我安惶
懇不敢當芾怒曰吾平日厚汝其何事直為今日耳安悟挾刃入一家
俱死芾就死縱火府治焚其屍安亦自殺湖南轉運判官鍾蜚英
收文簿封庫府與都統制劉孝忠及帶御械吳思聰以城降州民或
自屠其家或自縱火城內烟燄四起大兵且入死者數萬人爭門

走 出死于城外者又不勝計外十縣則先被屠掠枕骸蔽野千里無烟
廣西徑略安撫使李与調兵未救憚不敢進僅駐衡永間為靜江
捍蔽湖南提刑提舉司亦就衡州置援潭局募兵又招茶陵桂陽
劇盜萬數以救潭亦不敢進潭既下羣盜潰散反大畧而歸是夏有
自潭未言城內蕩為瓦礫惟運司及皮參政龍榮故宅僅存成
兵倍茅以居其一隅則敗屋數區而已潭受圍至陷凡三閱月

知衡州尹公

穀

衡州在荆湖南路 荆域
楚地秦虜長沙漢虜桂陽

郡美置湘東郡 晉立湘州宋為國齊為郡
梁置衡州陳置東衡州以本州為西衡州
隋置衡州煬帝改衡山
郡唐復衡州宋朝因之

燕寢凝香未赴衡却從湘帥守湘城衣冠望闕臣

辭主詔誥陳庭弟徇兄劫火煉成忠孝種英風鼓

動懦頑名滿城盡節榮今古三百年餘德澤情

尹穀字耕叟潭州人登科入仕乙亥歲差知衡州運吏及門潭已受兵帥守李
芾屈贊兵昨年正月芾死城破穀取平生所受誥敕置庭中具衣冠望
闕拜拜謂其弟岳秀曰弟宜急走不可使尹氏無後吾受國恩義當死
岳秀曰兄死弟安往願得俱死於是全家四十餘口老幼環坐婢僕席
地鎖其門縱火自焚死

事与前章一連
屈字有誤

江東運判趙公

淮妾 某氏

按江東路有九
州四十三縣

建康府在江東路 揚城吳越地楚置金
陵邑其後吳及西晉宋齊梁陳並都焉云

宋仁宗陞建康軍節
度中興改建康府

石頭城昔號金湯岌岌孤墉戰馬場西日突圍迹
溧水南冠荷校說維揚血凝漢節誇男子身寄秦
淮藉女郎千載妾身貞更潔仰天哭向水雲鄉

淮潭州人席門蔭仕至江東轉運副使置司建康大兵臨城突圍
趨溧水民寨，破被執不屈械繫詣揚州城下令淮呼城中官吏
出降淮反其詞北兵怒復執歸建康殺之淮之出奔也一妾與俱既
及難為某萬戶所得語萬戶曰妾願事相公終身然趙運使既死無
人埋骨願與妾往殯，畢即歸萬戶惻然如其言迨至死所屍弃江
濱妾命與夫推屍入水，猶淺不流妾乃取篙自推之入深水中即
仰天大哭躍入水中而死

都統制密公 佑

漢鄂塵飛路已迷殘兵蚤發向江西豈知主帥輸
城邑謾使偏裨效鼓鼙就縛呼天懷象魏臨刑吐
氣幻虹霓酸風慘淡精魂遠龍馬坪頭戰鬼啼

佑淮人廷行伍為將嘗戍荆岳會湖南北陷諸州戍兵俱潰散佑與劉俊奔
江西過梅州制帥黃萬石招隸帳下不知萬石久已為通降計矣乙亥十
一月隆興受兵守臣劉槃屢請援萬石遣佑將兵三千以往戒勿戰二
十五日至進賢縣之壁奮猝遇大兵佑忠憤即戰，正酣矢貫其腦

補史詩之六
其處佑作佑

猶自拔矢以指按瘡呼軍士曰孩兒每正好用力殺俄而昏憊被擒軍皆沒元帥宗都反嘉其勇以良藥傳瘡強之降不肯命以千戶金牌叱不受曰請死遂囚于隆興久之察其終無降意遂斬于西華門外臨刑其子市北飯以進佑叱曰此是狗喫底東西亟將去復市南飯以進飯訖臨刑嗟呼汝之人能如密公之忠勇其鮮矣然亦大丈夫當為之事耳

沙市監鎮司馬公

夢求

荆水滔滔百尺渾
邇來淺縮漫潺湲
木城聯岸風輪吼
沙磧屯雲火炬燔
效死小臣懷綠綬
偷生大閹愧朱轡
下官名姓君知否
涑水先生七世孫

至元十二年乙亥夏四月五日大兵至沙市距江陵止十五里兩城相望中隔一水築堤通行市南阻川江北倚江陵地勢險固為舟車商旅之會恃水為防是年湖水忽涸市南沙磧皆露大兵陳磧上乘南風縱火肉薄登城遂下守將程又亮降監鎮司馬夢求戰死溫國文正公七世孫也後五日川江大漲沙市城脚皆沒已無及矣

皆沒下疑有脫句

補史詩之七

忠義集卷五

淮東制置使李公

庭芝

昭忠逸詠四

按淮東路有九州二十縣揚州禹貢淮海維揚州春秋虜吳越漢吳王國景帝更江東武帝更廣陵隋唐為揚州宋朝陞節度

淮海曾聞一偉人十年卧護息邊塵
重來鐵騎攻城急旋執金戈赴陣
頻夢入甌閩期立極路遵通
秦條捐身平山堂下悲風起
魂繞瓊花萬樹春

都統制姜公才

君是磻溪幾葉孫
六韜貯腹護邊屯
三軍鏖戰嗟無地
孤壘環攻恨出門
嚼舌血飛怜勇士
衝冠氣憤憶忠魂
男兒南八今重見
同翫睢陽月一痕

襄帥呂文煥降時庭芝罷居鎮江宋朝俾再鎮揚州庭芝馳入戎馬滿鄆
幾為所薄至元十二年丞相伯顏既下沿江諸郡乃留平章阿木鎮瓜
洲自以四月十三日入燕奏事張世傑復常州命劉師勇守之自帥舟
師由海道向金山約庭芝自揚州出兵向瓜州殿帥張彥自常州向鎮江
期以五月一日三路並進與北師決死戰奪江以西通淮浙之脈議已定
會連日西北風大作庭芝疑海舟必乘風已至金山乃不俟元約即以四

西北二字与地势不合

月廿八日命都統姜才率步騎侵晨掩擊時北兵輕視揚州謂不能出軍
雖城揚子橋而守備終疎才破其城殺獲甚衆部下勸才保勝歸才
曰吾受命取瓜洲何敢以小謀大事遂趨瓜洲則世傑海舟未至也才失
勢大兵方圍真州皆移營救瓜洲阿木先登搏戰才力戰至晡不能勝
才率騎退走而所部步兵遮其歸路才乃殺步兵取道還揚州城大兵
追至城下騎兵死共八九五月一日世傑舟師如期至金山則才兵已敗矣
世傑乃結陣焦山值風弱海舟不能動叅政董文炳以快船進攻往來
如飛世傑竟敗獨彥襲約自保兵不出淮事遂去揚恃通泰為援大兵
又築灣頭城封通泰往來之路秋七月才再出兵攻其城不克而走步
兵懲前敗乃自殺騎兵之退走共於步騎兵死共八九步兵死者十
五六而揚之精甲皆盡閉關不復出會益王稱帝於福州聞道召庭
芝為右相兼樞密使庭芝拜命乃命淮東朱煥代帥自與才將輕騎
趨通泰謀泛海歸福州庭芝甫出城煥即以揚州降大兵亟追庭芝
僅得入泰州重兵圍城知州孫泰臣閩門降庭芝及才被執俱不

屈指至揚州斬庭芝而裔才才臨刑倉血噴罵不絕口淮東洪郡
皆降

浙西提刑徐公道隆
湖守趙公良淳

按浙西路有八州二十九縣 湖州揚城
秦置烏程縣東漢立安吉吳置吳興郡隋
置湖州宋世昭慶
軍實慶改安吉州

太湖殺氣貫天章貔虎如雲壓古杭羽檄星馳徵
魏闕牙檣風逆急勤王軍摧鋒鎬鬼猶厲將躍波
濤骨亦香更有湖州賢太守細君同壽碧蘭堂

道隆字伯謙婺之武義人以父任入仕汪立信制置京湖奏請道隆為參議官
甲戌立信除刑部尚書道隆偕賓客十人去江陵明年趙孟傳制置淮
西以道隆參其軍事復除浙西提刑大兵寢迫文天祥奔平江潰卒四
出為浙西患甚安吉尤甚知州趙良淳莫知所為有旨令道隆措置
既至取潰卒肆掠安吉其首于市牛監軍遁去時范文虎程鵬
管景模俱遺書誘降道隆焚書斬使丞相伯顏軍臨平阜亭
山令道隆間道入援不敢輒留村水陸皆有北兵道絕不通議由太湖
徑武康臨安縣境勤王即日乘舟出臨湖門泊宋村良淳唯倚道隆
道隆既去或告趙德領與可欲挾知州以降良淳聞之與婦同縊於州
治之碧蘭堂乙亥除夕也正旦黎明追兵及道隆於臨安親從軍三
百人与殊死戰船上食時矢竭槍槊折一軍盡沒長子載孫由船後
艦蹈水死道隆知不能脫還入船中端坐繩牀大兵去道隆衣掖至
北舟有間一卒以道隆衣冠置所乘船中曰吾僮管說降與乘船
還城不降且羸而俘之令我置衣此船須其降而汝與禁人毋得輒

馬門指船上門
其名未詳

登船有頃兩兵掖道隆旋因得出船馬門持道隆共稍息道隆亟躍水中死北將猶令左右挽弓射水餘兵有脫入臨安其事聞十六日宗朝令贈官賜謚厚卹其家立廟安吉官其子孫越三 宋亡不及矣

參政高公 應松

腸斷吳山錦綉叢六更聲絕海潮空千門鎖月移
行在八駿乘風憇會同扈蹕孤臣慙主辱征鞍萬
里哭途窮兩宮緩緩趨朝陛回首天南獨死忠

應松福州長樂人也登開慶己未進士第由衡州教授通判廣德軍 丞乙亥十一月入國門時獨松關已破十二月兼權神

部員外部翰

明年丙子正月文天祥張世傑入衛時京城義兵踰十

八萬欲巷戰死國丞相陳宜中守和議救在城兵人心皇皇宜中懼夜遁先走賈似道潰師魯港退駐揚州圖再舉殿帥韓震欲護駕遷幸然汝議和宜中一反似道而為斬震貶似道汝大兵至城下倉卒請和丞相伯顏首問韓震頭仍在天祥贊宜中後議幸闕廣大皇不許故奔三宮而直范文虎引大兵自湧金門入舉朝奔竄留廿九人如應松及正言陳春伯侍郎翁仲得大理卿郭珙皆三人也二十日除應松中書舍人直學士院二月初二日賜在城文武官各二階旌其不遁也初六日除權工部侍郎九日除端明殿學士簽^書樞密院事恭知政事未幾掌執吳堅賈餘慶家鉉翁等俱赴北大皇命應松與劉叔子赴都省視事時國事已去擁虛器耳三月十二日兩宮赴北應松扈棧至燕四月二十七日也明日即絕粒不語越七日卒

蜀帥張公

珏

按蜀夔州路有十五州三十九

縣 重慶府在夔州路古巴

國秦置巴郡劉璋為永寧郡先主為巴東
郡唐渝州又南平郡宋朝元宗潛邸陞為府

玉壘雲浮五十秋關西虢將勇無儔三吳甌墮猶
堅守八柱唇亡不耐愁瀘水捷收勞騷衰夔門機
伏失兜鍪吾君不負吾寧死遺恨誰怜快敵讐

至元十二年乙亥夏荆湖諸郡俱歸附蜀之音問不復與東南通制
置使知重慶府張珏遣猶振屬自立招討梅應春以江安歸附珏
遣兵收復擒應春至重慶府禽之去兵收取江安所部州郡俱降
惟張起岩帥夔與珏共為守守屹然雙城勢窮援絕屢以虎符
招珏不從帳下將有勸其降者珏未果將遂畔夜開關納大兵珏
率親兵巷戰不勝登舟欲下夔就起岩至中途隨行將士利重
賞且念妻子俱已陷重慶遂執珏歸附終不肯降會應春之子朝燕訴前事
復又仇珏遂遇害

大社吳公

楚才

建昌軍在江西路

建昌

陞為建武軍宋朝改建昌軍紹興八年析
南城縣上五鄉置新城縣於黎灘鎮又析
南豐縣之半置廣昌縣
於揭坊者今領縣四

誰道盱江一布衣龍韜虎畧豈知蹊鉏耰列陣螳
初奮鞞鼓臨風馬已嘶漢將追奔飛白刃楚囚羈
繫化紅泥寵衰已矣忠難泯不向泉關嘆噬臍

黃萬石見卷四
密依章

吳楚才建昌南城人名炎以字行世業儒己亥冬十二月建昌歸附明年春正月楚才於其鄉嶺村糾聚丁壯稱義兵張榜聲罪是時黃萬石猶以江西制置使去邵武楚才遂繇邵武太守黎靖德請于萬石乞濟師萬石不許而授楚才迪功郎權制置司計議官以安之且戒勿與兵楚才不聽二月三日自嶺村率眾晨炊蓐食將攻城鉦鼓震動甫至近郊之龜湖城中出步騎三道蹙之楚才所部俱鄉農鎧仗不備又倉卒起義未任練習一見大兵輒噪罵北騎左右馳突其眾大奔尾襲殺百十人奪其長梯鐵鈎等因進攻嶺村拒以木柵不得入事聞益王元帥府承制遣楚才宣議郎帶行大社令知建昌軍俾聚兵黃再舉萬石匿其命楚才既失利且乞援大兵誘降其眾之多解去楚才走光澤縣為人所擒及其子應登以獻於建昌坐獄上司遣錄事婁南良訊之南良詰之曰汝何為錯作此事楚才抗聲曰不錯如府錄所為乃大錯爾府錄受宋朝官爵今乃為敵用還思身上係於何處得來我不过鄉村一秀才特為忠義所激欲為國出力事雖不成正不錯也南良愧而諫塞至六月末楚才宗人吳浚奉密旨為江西制置招討使起兵廣昌縣建昌遂斬楚才父子傳首洪邑時益王登極于福州聞而哀之特贈五官為朝奉郎即邵武建昌境上立廟贈額忠勇

儒士王公

士敏

吉州在江西路

荆揚之

孤皓置安成郡隋改安福縣又改廬陵郡
領縣八大和是其一縣也

此行無復望生還
留取哀吟宇宙間
報國豈能恢
漢土遺民空自戀
吳山清風勁節英
靈在斜日沉
輝曆數慳寂寂
園扉終不悔
忠魂莫恨左輪殷

此与前章同時
相近事皆士人
舉義者

士敏吉州太和人也至元十二年江西洪郡既歸附明年士敏與針匠劉世超聚兵興復兵敗世超送死嚼血書石云生為趙氏死為趙鬼赤心報國一死足矣士敏入獄書詩於裙云此行無復望生還一死都歸談笑間大地皆為腥血染好收吾骨首陽山竟死于獄中

樞密丞相陳公文龍

按福建路有八州四十九縣 興化軍在福建路揚城陳文帝朝莆田地始見載籍唐析泉州置晉州領莆田縣又置武榮州莆田隸焉宋置太平軍改興化軍割莆田縣屬焉今領縣三

曾聽臚傳冠集英當時御筆為更名淳熙相譜家

種復德祐樞臣國脉傾鄉部孤臣迷殺氣囊山一

鼓張軍聲首丘只戀行都土愁絕萱闈訴不平

文龍字德剛興化軍人祖俊卿事孝宗為名宰相問國于魏謐正獻文龍有文學負氣節理宗朝為太學生名子龍咸淳戊辰度宗初試進士對策稱旨擢第一御筆改今名授官議郎簽書鎮東軍節度判官廳公事踐歷館閣為監察御史兼崇政殿說書似道行公田浙西苦之文龍在臺抗疏力爭辭旨剴切似道不得已為罷浙西判官洪起畏以自解而左遷文龍大理少卿出知撫州似道怒未釋風言共劾之罷歸里似道敗召文龍為左史以至執政甫五月丐歸丙子五月行朝召拜樞密使秋九月拜閩廣宣撫使鎮興化軍平石手之亂冬十一月降將王世強引大兵攻閩宗王航海福州守臣王剛中降遣使徇興化文龍斬之縱其副以還後書世強剛中責以負國且自署曰理宗學生

浦史訪之八

此前三訪在江西路
此下三訪俱福建路

度宗狀元德祐樞密景炎宰相大兵進攻文龍遣其將設伏授于臺山寺前帥大怒大合水陸並進先執其姻密許自使致書誘降文龍拒之戰不克城陷被執逼其降不屈威凌挫之文龍自指曰滿漢之節義文章汝曹還忍相逼耶眾皆義之乃執以如燕在道數罵辱送許行至臨安而卒文龍既死義輒系其母於福州之厄寺卦病無醫藥左右或感泣母曰吾今死無憾矣但恨不一見吾兒膏與之共葬於地下耳及卒皆曰此母能產佳兒為之歛葬焉

嗣秀王

與擇

瑞安守臣

方洪

派接天潢本近親更生忠節古無倫千軍守禦來
閩路半歲勤王護宋民巷戰血流生不辱劍飛魂

逝死能神風流喜遇莆城友携手泉扁萬古春

丙子春秀王為兩淮閩廣察訪使二月至福州五月益王登極而帝舅楊亮節居中秉權與擇自以國家親賢多所諫止遂犯忌嫉誅將擇之未幾大兵逼浙東乃命與擇出瑞安與守臣方洪共任備禦朝紳言與擇有更生之忠曹王昇之才宜留輔以隆國本諸君益急卒遣之冬十月瑞安守圍城中危急與擇洪誓以死守小校李雄夜開門納大兵與擇率眾巷戰兵敗被執參政董文炳伏而問之曰汝為秀王耶今能降乎與擇叱之曰我國正親恨不殺汝以報陛下今力屈而死分也尚何問焉遂殺之洪亦伏節而死洪莆田人也

建寧儒士朱公

浚

建寧府在福建路

建

治地南部曰建安唐改建安郡又改建州
宋陞建寧軍孝宗潛邸建寧府

身披薜荔去瓊琚
處處南來八使車
人隱考亭春
自遠馬嘶分水難
誰紓好扶名義垂
千載不把衣
冠辱四書為守彛
倫先訓在潔身
珍重返吾初

浚字深原建寧府人酷嗜墨刻人號曰朱古碑大兵至其家浚曰豈有
朱晦庵孫而失節哉遂自死時江西帥府遣八使入閩說降

處士林公同

福州在福建路揚州域周

為閩中郡閩君按為越王都治漢分治地
為會稽東南二郡故曰東治陳置閩州隋
改泉州唐更福州閩王王審知升武威軍
宋朝陞福安府領縣十福清是其一縣也

九廟三宮已盡傾
尚從海島寄神京
血書矮壁存
吾節氣貫長虹
任汝烹身殞九京
忠義著名香七
聚鬼神驚海風
蕭颯含悲憤
疑是當時肆罵聲

至元十二年泉福既歸附元年去宋主在海上命將收復圍泉州未下福州
興化劍邵後歸宋前監丞劉子家福法糾合義兵即故直寶章閣
林琦舊宅置局曰忠義招募卒伍以子為福建招撫使冬大兵至此
郡復失兵向福清子遣兵拒之大敗有外同共字子真琦子孫寒齋
高士公過之嗣也那空齋處士孝謹廉謙而深於詩以世澤受官弃不
仕有父風焉子既建局于其家敵至衆勸其避不從乃感服坐堂
上懸其壁曰生為忠義臣死作忠義鬼草間足可活吾不忍為尔謀
君仍為其自去皆有死俄而大兵至執而誅之同大罵竟遇害

丞相陸公 秀夫

八面兵威八面攻馮夷飛血洗千蓬波翻水寨乾
坤震風仆檣旗社稷空百辟散班奔鷁首孤臣扈
蹕憇龍宮茫茫南國重回首一片丹心照海紅

樞密張公 世傑

按廣東路有十州四十縣 廣州在廣東
路揚域百粵地秦置南海郡蒞位自立為
南海王漢因封之武帝始定為南海等郡
孫權遷州于番禺孫休分交州置廣州理

番禺晉因之宋齊皆為廣州隋改廣州為
番州煬帝改為南海郡唐置廣州總管府
以廣桂容邕安南五府隸之唐末分為東
西道改嶺南節度陞為東道節度使黃巢
攻破廣州以士卒疾疫乃去掠湖湘賜東
道為清海軍節度宋朝平嶺南地歸故國
仍舊為清海軍節度陞為帥府統郡十四
領縣八改南海番禺縣新會是其一縣也

曾擁貔貅奏凱歌崖山雲暝竟蹉跎地空九有棲
荒服寨列千艘保海阿龍躍壘沉天若此烏鳴矧
絕事如何鯨波沃日炎光熄凜凜英魂尚枕戈

崖山在廣州新會縣蓋廣之海門也東通廣州府府屬南入于海僅二百里水勢如牛角然殊非地利而張世傑乃奉祥興主自碇州駐此蓋其意之至元十五年戊寅冬十二月制置凌震小復于廣州城下世傑喜曰北無能為入夏且復去矣乃不嚴備而於崖山東崖立草屋曰行宮月朔則行朝會之神從官亦各結草屋以居及周文英自漳州來乃知別有北舟水陸並進世傑遂議守禦有告者曰北舟旦夕至若塞海口我不能道退矣請乘其未至移我舟以塞之戰而得固幸不勝猶不西去也世傑以士卒航海久多有殺心恐一動則是敵乃曰明年航海何時是了今須與一決勝負尔乃悉焚草屋以巨艦千艘結為水寨船尾皆外向上設戰棚為死守計眾皆危之無敢諫者明年己卯正月二日浙東帥張弘範舟師發潮陽直趨崖山二十日江西帥李恒發廣州率哨船會師世傑不塞山門獲水寨乃縱兵舟入逼寨十六日北舟大集蔽塞江面世傑方謂難守出與伯德亭以發舟弘範所部俱沒艘無哨船可以盜利故世傑以兵舟往東樵汲自如眾議恐懼以廣州舟至則樵汲絕矣世傑乃遣文英將步兵王道夫將發船迎擊又促凌震入衛已而文英遁入新州道夫與恒遇不戰而遁震亦不至二十三日恒至崖山以哨船阻輕舟樵汲路絕每日止候潮平唯有淡水至汲以供日用舟中糧猶可支半年二帥屢遣使諭降世傑輒厚禮其使唯請退屯乞廣東一道以奉趙氏宗廟軍中聞其啟款二帥令盡取舳艫與南船對壘即北岸立砲且傳船載火南舟張布幔以當砲石縛長竿於船尾以當火船二月初二日夜都統張達領快船出攻北之哨船敗亡失甚眾初四日定議進攻初五日三面進逼水寨初六日晨炊葺食相乘早潮退帥北面海船進攻酣戰至午殺傷相當恒以船深入千戶林茂躍登南船千戶曾勝百戶解清繼之攻西北角士眾潰俄而晚潮至恒舟不能駐僅奪數舟而還弘範乘潮生帥南面海船進攻世傑摘北面守兵策應士眾傷殘俱無鬪志恒復麾北面海船夾攻呼聲動天地水寨表裏受敵會有仆其檣竿之旗其旗風靡檣旗俱仆世傑知事去即抽精銳入中軍自衛此船奔潰招撫翟國秀

蘇劉義忠死見
沒死言洪公章

團練使劉汝解甲降貴官士多腰金赴水自沉死者數萬人其舟進擊中
軍戰至晡海霧四昏咫尺不辨風雨大作潮勢退世傑與少保蘇劉義忠
統張達尚書蘇景瞻等十九舟斫斷石乘風水之勢決圍南走宋
主舟重大駐內水為外舟壅隔不得動丞相陸秀夫先沉妻子于水
乃奏請宋主死社稷以全爾聖繫主腰秀夫抱赴水死之宮人牽衣
胥溺共十數輩二帥止謂世傑必奉宋主南奔相率海舟追逐弘
範留部分降附訊降人始知祥忍君相俱赴水丞大搜金帛拘括
將士所掠皆歸弘範尋於軍中得金爾聖訊之卒云於小兒浮屍上
得之不識為爾聖也懼為人所知棄其屍矣與降人言合怕追世傑至
高州界不及世傑沒二舟來相班師於崖山刻石紀功而還世傑等南
奔不能達占城於是回船沿海收散卒承宣使周文英等皆會四月八
日至海陵港颶風船破溺死明日文英收其屍火于海濱文英
以世傑樞密印及餘兵赴廣州降

江東制置使謝公 枋得

按江東路有九州四十三縣 信州在江
東路揚域吳楚地三國屬鄱陽郡葛陽縣
地陳葛陽改為弋陽唐置信州領縣六
饒州在江東路揚域楚地秦鄱陽縣屬九
江漢置鄱陽屬廬陵隋改饒州南唐永平
軍宋復饒州領縣六 安仁是饒之一縣
弋陽是信之一縣

草履麻衣謾蔽形十年賣卜慣零丁願從楚地師
龔勝欲向遼城友管寧采石吟成期絕粒娥碑讀

罷棄餘齡一門盡節均無愧千載西山疊疊青

枋得字君直信州弋陽縣人左目重瞳腦若伏犀口可容拳髯疎而長身不滿五尺幼覽群書五行俱下終身記憶及長雋偉有大志好直言以名節自任洞究法體為文章有奇氣單詞中語識其傳誦嘉熙戊午年十三領鄉薦寶祐己卯再薦丙辰廷對以治道策士枋得直以丞相丁大全為考官佳之欲俾魁天下頗忤上意臚傳出文天祥榜下第二甲第二人以言不用遂掛冠賦詩曰玉皇殿下卸恩袍羞見冥鴻惜刑毛天地有心扶社稷朝廷無意得英豪早知骨鯁嬰時忌何似山林遁跡高次第秋風到蘭菊歸家痛飲讀離騷扁讀耆老曰疊山取重良止之義學共尊稱曰疊山先生明年丁巳試中放官科除建寧府學教授以大全柄國不赴問慶己未除禮兵部架閣文字又不赴景定辛酉以選為寧國府考試官發策尤精愜有江東十間行于世以直怒嫉言共劾之貶興國軍威淳丁卯放還除史館不

赴大兵渡江似道賊改合入官差主管官誥院不拜江州降枋得與呂師夔有舊乃上封事大略謂文煥守襄六年古無有也勢窮援絕遂失臣節議其處加以畔逆之名今沿江洪郡有能守六日者設置文煥以前語責之不知其何辭以對師夔非有異志似道以為刑部尚書恭贊軍事欲召赴軍前殺之不得已為偷生保家計爾師夔心欲歸朝不能而以告之謝章章不敢言而以告臣臣請下詔赦師夔之罪分沿邊洪路之屯命之為鎮撫使而遣使赴北通和庶可紓難乎言其狂妄罷其官未幾除江東提刑捍禦饒信即安仁縣置司招集潰軍張忠孝隸麾下俄兼江西招諭使是年冬十二月之師變檄信州取衣糧枋得榜云信州米留供太皇太后皇帝御膳信州絹留供太皇太后皇帝御衣平生朋友遂爾睽離一旦相逢唯有所殺師夔怒明年東浙下枋得寓弋陽北使王世英蕭郁誘降信州知州鄭疇降遣人為枋得索提刑司印枋得避于信之雲際嶺景炎帝立以枋得為江東制置使即弋陽起義兵七月二十二日攻鉛山縣破其隘俄而前軍潰枋得

以兵付江東招諭使傅卓隱于江閩之境王世英蕭郁以枋得不降遣兵襲之執其妻孝氏子熙定之弟三姪及一女二婢枋得竄入閩隱建陽自以國亡痛誓麻衣草履終身弟姪械至州二使庭辱之不屈詰兄所在不答唯請死殺之囚其妻子至建康繫宣慰司獄孝氏丰姿冲麗以善詞翰聞宣慰使廉不迷失海牙敬昏之孝氏佯許諾始緩其獄將昏之前夕獄吏不戒孝氏因女洎二婢俱縊主共懼上其二子于行省猶女以不降將盡殺之適左丞崔

自北還獄具崔兒二子皆童荷校曰若非謝推刑子耶命賦詩立就崔曰其父以忠遊孺子何罪釋授者都鎮撫陳陳命洪子從熙之學凡六年資其歸遂偕弟往閩省父枋得命熙之歸養祖母定之留侍日以賣卜为生久之碩人訃至夜間道歸治喪葬畢復隱閩至元十三年行臺侍御史程文海薦江南賢才三十二人以枋得为首特旨喚至誠無偽以公滅私明達治體可勝大任謝枋得故相留夢夫為吏部尚書貽書促行枋得復書云吾母年九十五死殯淺土妻女鬻婢以僕連累死國圖者四

人弟姓死國者五人遊魂難招往痛莫贖伏聞太母在北上仙久矣惟北鄉長號不能寄一帛書如任元受故事又不能匍匐一酒麥飯孤臣何面目應聘耶且亡國之大夫不可以圖存忠臣不事二君烈女不更二夫南八男兒死即死尔不可為不義屈豈敢曰將以有為大辭嚴氣直累千百言夢炎讀之汗下復以書辭程曰大元制世民物一新宗室孤臣止欠一死先妣以今年二月考終自今無意人間世矣三十而入仕五十而休官平生實歷不滿八月俸祿無一毫歸家養親已不可言孝唯黽勉送死或可以贖過執事將隆旨以禮聘名孰不興起稽古之禮子有父母之喪君命三年不至其門所以教天下以孝也未有冒喪匿服而可以應聘名者遂不赴明年近臣因法師林樵谷奉旨江淮搜賢仍以枋得稱首枋得抗顏謝之又明年行省丞相忙古臺奉旨驛召親臨訪問執事相勉枋得曰上有堯舜下有巢由上有成湯下有隨光上有周武下有夷齊今存一謝枋得聽其食西山之薇又何損於國家枋得母喪未葬姓名不祥不敢赴召丞相義之未幾江西者管左丞奉旨宣召復謝

之迺深隱于建陽之后山卷至元二十五年九月福建有恭政魏天佑
賈特旨宣喚不覩面皮正當底人謝枋得就交魏天祐上大都未
的时分就者裏索氣力一同將帶來共行者委官泊建寧路官
建陽縣官至馬鋪遣縣尉張某馳至后山卷物色枋得告以故
復以母喪辭弗獲翌日強登舟至路寓崇真道院賦訪別友
云雪中松柏愈青已扶植網常在此行天下久無龔勝潔人
間豈独伯夷清義高便覺生堪舍神重方知死甚輕南八男
兒終不屈皇天上帝眼分明遂卻粒不食七日館伴共強進膳
九月二十日又不食而神氣清爽時絕粒九日矣十月十二日賦詩
云西漢有臣龔勝卒閉口不食十四日我今半月忍飢渴求死不死更
無術精神時与天往來不知飲食為何物若非功行積未成便出業
債償堆畢太清群仙宴會多鳳簫龍笛鳴瑤瑟安得神靈羽
翼生騎雲直上寥天一長子與之自信來者枋得曰大丈夫無兒女
情拒弗見門人惠寒衣弗受十八日 行十二月十日抵龍興左丞

呂師夔 相厚遺寒衣一襲力卻之有身不絲綿二十年后山凍殺分宜
然之句二十四日至采石賦詩絕粒日啖五糗至元二十六年己丑四月
五日至京向太后殯所泊德祐王所在各嚮其方慟哭再拜館伴者
曰此是文丞相斫頭處以脅之枋得曰當年集英殿下賜進士第幸
同榜今復得從吾同年遊地下豈非幸耶越四日遷憫忠寺壁間
見曹娥碑洒淚讀之曰汝小女子且能死吾豈不汝若哉是夕卒呂
師夔適在京內具衣衾棺擲殯之文帳門外九月門人李思衍使
交趾回与尚書謝昌元捐助俾定之負其骨歸葬

廣西經畧馬公 堅

按廣西路二十一州六十二縣海外四州
十一縣通二十五州七十三縣靜江府在
廣西路荆域百粵地秦置桂林郡漢零陵
郡之始興縣東漢為始安國梁立桂州隋

姒安郡唐置桂州總管府又陞桂管為靜
江軍節度宋高宗潛藩井靜江府

赤白囊飛廣海濱關西勁勇是奇人暫提節印期

全壁倏報烽烟又震隣械坐已空身不化龍韜未

展氣如神鑑湖亦有雲仍在千載流風豈隱淪

馬暨開西宕昌人權廣西經略使守靜江府不降城已破被執斬之既死身不仆其經時裨將賀文振亦与之同死

美人朱氏

給事中宮已歷年蒙恩扈從赴幽燕名王索好緣

難合烈婦捐生節已全日晏寢門疑鎖鑰夜長驛

館泣婢娟同來小妮猶堪詫一樣清風兩地傳

美人從全太后赴燕有名王悅其色欲娶之使人喻旨明日寢門不啟發視之美人已自殺有幅紙書曰向之未死以去后猶在今事至此豈復自辱敬全節以見度宗於地下美人有一侍婢亦自縊於其側

孺人林氏

兩家累世結婚姻閥閱崇崇作宋臣忠貫鶴原期

報國刑驅駕侶誓全身名傳閩嶠花如玉血染吳

生義當送座
不化或當作不仆

公過金子並見
林同章

血書壁即同也

鈎草作茵魂隱暗香千樹裏傾城傾國愧斯人

孺人公過之女也適劉金子金子起義既敗轉匿親故家至元十
四年捕之急株連被禍甚眾金子知不免自經死有司執孺
人誅金子反狀孺人此曰我林家與劉氏世為宗臣欲以忠義報國
事之不成天也何謂反字汝知去歲有以血書壁而死其字我與我
兄一忠義心也死且求汝於地下可生為汝等凌辱耶遂遇害

死節諸公

臨江軍在江西路揚城漢豫章郡領新淦
吳安城郡領新喻南唐筠州領清江縣宋
以清江為臨江軍隸以去之新淦表之新
喻二縣 潮州在廣東路揚城古閩越地
漢南海郡之揭陽縣地隋置潮州唐改潮
陽郡復為潮州宋朝因之 惠州在廣東
路揚城古百粵地漢之博羅縣隋唐置循
州偽漢劉鋹移舊循州立禎州宋避仁宗
廟諱改惠州 靜江府見廣西經略馬壘
下注 池州在江東路 按江東路有九
州四十三縣 池州揚城古鄣郡梁屬南
陵郡隋置秋浦縣唐置池州

往事猶疑曉夢圓當年扶義付飛烟姓存名沒時
難問國破家亡事不傳青史寂寥忠義傳赤心勃
鬱死生年文謨武畧渾無展猿鶴沙蟲亦可憐

三百年餘雨露深杭雲汴雨兩銷沉堪憐許遠張

巡節誰識程嬰杵白心萬里關河空感慨兩京歌

舞莫追尋遺民已盡遺風遠遺事何人共細吟

全子死事見林
孺人章

臨江軍清江知縣趙某馮木城拒戰城陷死之 潮州破守臣馬發
死之前監丞劉全子自殺 惠州通判藍某不降戰死 大學
生徐應鑣赴井死 鄧得過蜀人魏肯在任廣西提刑知靜
江府城陷死之 蘇劉義池州人為殿帥出呂氏之門諸呂
降後招之不從死于海

少主納款

天目山崩歷數終降旛颭颭出孤壟六龍捲霧歸
三島八座迎風啟獨松塵掩玉階消王氣潮移雪
屋示軍容由來興廢天難問斷礎頽垣泣曉蒼

丙子二月初六日上表納爾伯顏丞相至杭州大兵營洲渚
海潮不至

忠義集卷六

清父唐先生

涇

道州龍山人

附錄諸公詩一

甲戌客臨安

時賈似道當國

金谷烟花醉未醒
斡邊無夢到功名
十郎腹裏長函劍
六丈胸中舊貯兵
天豕星沉狼有影
海鱗風緊鶴無聲
如聞浩浩愁相訊
何日衣冠樂太平

和朱以性

擬駕奇肱閱四方轉頭又是海生桑鴈雖有帛難
尋漢猴縱無緋肯拜梁決滂黃流翻地軸屈盤紫
氣貫天章篋中留取秋蘭佩不識人間有水蒼

江南西遷國之亡天也歌以紀之

抗亡

西字恐誤或當
作丙

吳峯一髮暮雲孤愁向湘纍訊故都鳳去只餘韶
樂在鴈來還有帛書無杏壇有客陳孤注平隴何
人復五銖歌徹黍離風雨惡南山深處叫烏烏

閩亡徙東廣

逝泉已矣又茹猶半壁乾坤只恁休頻歲建杓移
北斗何人持節救東甌烟蜚檣艣風濤怒雲鎖樓
臺日月愁南望羊城天欲暮可堪回首問神州

廣亡徙海

箕冠如櫛擁茅旌誰執駢旄軟晉盟遵海而南闕
氣數渡江以北少功名火旗掩靄雲藏闕水陣周

遭雪壓城一榻不容人
新睡那知霧島是神京

厓山亡

萬里輿圖入朔方
搖孤注海之陽石尤風惡雲藏
軫天駟星沉月掩房
島上有人悲義士水濱無處
問君王羲和指着烏飛路去去虞淵暮色蒼

江南四忠節義國之紀之歌以哀之

紀之悲當作紀
文下十字似小序
前二首似咏文謝

咄咄薰風夢已靈
手提孤注竟逃盟
南冠入海五百客
北旆歸燕七十城
自信丹心終徇國
只慙白面不知兵
二艾無遜公知否
底事吳門變姓名
同時人物今猶昨
只有先生死朔方
殿下青衣晉天子
窖間白髮漢中郎
平生東海心猶壯
千古西山骨亦香
三復繫臣吟嘯集
天荒地老氣蒼蒼
誰把南牙壓武夫
到頭還似二公無
矢心海上逃秦爵
努力山中匿趙孤
赤羽星沉迷輦鳳
紅旗風

此似咏張陸

勁逐檣烏三神杳眇人何在留取丹心付董狐

丙子紀事

才結歲寒盟歸來說太平閣中呼尚父殿下狎門
生着手營三窟回頭失兩京聞今不聞古咄咄詭
知兵

懷黃小牧

瓠姐桑弧泣舊盟天將吾道寄山林梧桐臥雨魚
生釜梅塢吟雲鶴伴琴海上蘇卿今白髮山中杜
甫老丹心擬呼尊酒論今古黃葉簫簫楚水深

讀史懷友

羞登廣武議英雄匣却吳鉤殺却弓幕下清談王
太尉門前白馬褚司空一編袞斧風塵表千古綱
常天壤中說與華陰捫虱老何曾正朔在江東

虛谷方先生回

詞指略與壽山封
事相類

挽呂襄陽

詞婉意切蓋譏
之非美之也

將軍報國寸心丹
滿眼兒孫盡好官
一品已頒新印綬
九重猶許舊衣冠
碑存峴首懷羊祜
箭着浮屠恨賀蘭
公論百年應自定
且留忠節後人看

復見丁先生

開

湖南長沙人負氣敢言安撫
向士壁被羅織聞諸湖陳士

壁功大軍府小費不宜推究
似道怒驛管揚州歲餘卒
可惜此為句
公也

上天字谷音作今

揮谷音作攜

日者天何及天乎
有不平功高人共嫉
事定我當烹父老
俱嗚咽天王本聖明
不愁罹黨禍揮淚向
孤城

秋字彭先生

襄樊失守

六年絕援困重圍
到此無謀更出奇
慷慨如張雖有愧
孤窮似李亦堪悲
列城寒月驚鴻散
夷路西

六悲呂七所刺

者廣

風哨馬馳機速房深謀畫處豈無高着活危棋

江上師潰

江上西風督戎秋國人延頸捷隨收中宵棄甲三
軍潰徃歲藏弓百戰休甚羨虞公前采石可憐丁
謂後雷州諸賢着意籌新局嫠婦如今正有憂

南征

聖皇神武志規恢南國胡為貢未來銅柱地荒雲
隔斷珠崖天盡鴈飛回秋風曾見秦師出曉日今
聞漢詔哀中國有人終慕化且看萬象樂春臺

再平南擾

乾坤重闢八荒春何事中間有未臣南粵一隅先
漢地陽樊數世有周民山川慣識旗旌影道路長
愁士馬塵聞說討平歸奏凱剩俾女子載珠玕

西風

胡笳樓怨動江城朔鴈南飛幾陣橫雲氣昏昏秋
萬里旄頭炯炯夜三更向來海上鳧毛出何日關
中馬角生天地無情豪傑盡西風顛倒若為情

庚申喜聞

萬方歡喜醉春風數路飛書奏凱同天擬諸公扶
社稷人言多難識英雄周邦雖小名猶正楚國方
強力易窮從此東南基岱岳好磨崖石頌成功

邊事

邊頭無日不秋風荐食無厭更啟戎誰擁貔貅專
玉帳不收鸚鵡着金籠江曾飛度量絲熟襄已重
圍墮甌同安得扶持今社稷重來韓岳數英雄

乙亥紀聞

羽書朝暮漲氛埃天詔勤王起草萊塞上風高鷹
颺去江頭霧暗馬飛來諸賢忠愛謀安出四將英

靈喚不回漠漠雪天秋
萬里飛鳴無數鴈鴻哀

乙亥冬

禍亂方來苦不禁
此生誰料有如今
四郊雲擾旌旗影
諸閫風寒社稷心
杞國有人憂凜凜
桃源無路入深深
少陵野老懷忠憤
醉裏攢眉強自吟

讀吟嘯集

興廢明知數有天
臣心感激義當然
孔明尚欲西都蜀
王蠋寧甘北面燕
風鶴不靈淒落日
蛟龍已逝冷長川
丈夫一為綱常死
表表人間萬古傳
力支大厦爛孤忠
太息黃旗運不東
天若有情虹貫日
人誰不死氣凌空
倍增晁董儒科重
可與夷齊史傳同
地位九分人物好
更於何處覓英雄

秋興

沙塵破褐客秋風
落落親朋半老翁
野曠有時聞

嘯虎天寬無處寄征鴻
四方玉帛燕山北
萬里帆檣海水東
回首可憐歌舞地
芳花石礎樹陰中
西風捲地送淒涼
日斷歸帆落日黃
鴈過江天雲漠漠
龍遊滄海水茫茫
故人入夢三更月
近事驚心兩鬢霜
試把濁醪澆磊砢
樽中猶帶芷蘭香

世事

茫茫世事等浮萍
愁緒方濃醉又醒
日月雙飛天不老
干戈百戰地常腥
此時弓馬多秦戍
何日衣冠見漢庭
宇宙西風愁不盡
誰家門巷草青青

聞鬼

荒郊白骨臥枯莎
有鬼啣冤苦奈何
半夜數聲淒枕席
十年幾度慘干戈
英魂無託子孫絕
史筆不知忠義多
欲反髑髏生世樂
近來富貴亦消磨

感舊

五更漏盡醉魂醒誰富胸中十萬兵如昔襄陽堅
砥柱至今江左屹金城南來鐵馬吹唇沸北去銅
人淚眼盈聞說錢塘風景異胥濤猶有不平鳴

罪言

四境風寒滿目秋區區嫠婦隱深憂豈無豪傑二
三策亦有東南百十州所案肯迎新造魏揮戈曾
復舊宗周倉公一望休驚走好把囊中瞑眩投

閑愁

江橫天塹湧鯨波信是閑愁兩鬢皤上界有春娛
日月中原無夢冷山河扶持宇宙人非少經濟風
濤論儘多昨夜甘泉烽火急禁中拊髀憶廉頗

感舊

督府由來十六秋幾回祈去幾回留人稱姬旦三
朝輔誰羨鳩夷一舸遊葛嶺春風天地醉蕪湖夜

月古今愁平生心事青編在身與皇家共戚休

以行鮑先生

輓

括蒼人性嗜酒授簡萬言
晚益傲誕衲衣髻髻遊青

城不返

重到錢塘

五詩興味悠
長允為絕唱

生死雙飛正可憐若為白髮上征船未應分手江

南去更有春光七十年

詩意疑
慈元

無賴山光疊疊青玉魚金椀早颺零冷思禹穴真

奇事千古衣冠託杳冥

殯宮被
發也

萬家歌舞送浮生豈有涓埃會太平猿鶴沙虫天

始定不須辛苦怨南征

疑為
景炎

聞道深春雪打圍誰憐身上藕絲衣莫憂白壁成

塵土解逐南風萬里歸

疑為
德祐

惟有寒潮不世情朝朝暮暮過空城百年車馬閭

門外獨獨春風草又生

魯港見卷五昭忠

高唐秋三章

詩亦見谷音

可谷音作獨蕭

作蕭條

谷音載其詩七首

茂謙柯先生

退子

瑞陽人父名
芝字士先

魯港

十年回首付沾襟
斷甲沉沙齒齒深
可惜使船如使馬
不聞聲鼓但聲金
人歌鬼哭那堪死
木落江空正可吟
遺老蕭蕭漸無語
酒旗颭颭出蘆林

自修程先生

忘吾

洛陽人孝友好讀書翰林
元祐之上其言行徐禮部

郎中自修
聞而道

痛哭

此詠洛陵也公治人必嘗親履陵闕故
感傷如此宋以腐儒誤國猶西晉以清
談誤國偉哉雄
論可為宋戒

日射石虬鱗甲開
草色又換青春回
精靈聚散豈拘束
山鬼叫呼松柏哀
當時沸天簫鼓動
今日悲風陵上來
忽忽古今成傳舍
人生有情淚盈把
乾坤誤落腐儒手
只遣空言當汗馬
西晉風流絕可
人張望千秋共瀟灑

事詳二卷昭忠逸詠
谷音六載

如山安先生

汝止

成都廣漢人善舉劍左右射讀經史百氏之書端平

甲午安撫曹友聞辟掌書記不起及友聞戰死三帛獨往收其骨藏於其先塋之側乃東下老于

會稽

曹將軍

友聞

將軍精悍姿齒齒碎鐵石在昔童稚間但聞飽經
術縱橫騁柔翰丹艸間金碧有司塞明詔弊邑屈
詞伯芹香春水生冠玉侍重席脫落章句陋搜抉
窮理窟未及文化成其如王土窄丈夫報主願豈
必蒙清秩蒼然請去位滿面秋凜冽糾合熊虎羣
旌旆揚廣陌正當磨礪間一鼓拔勅敵屯兵汚水
源千載斧截截浩蕩排烟旻西極安崑岵奈何國
無人腐儒秉旄鉞賞予入私門金湯授盜賊公特
奮臂爭返遭獻玉削三軍視馬首痛哭天下璧功
成坐齟齬憤怒須插戟中宵按劍起肅肅整羽翮

谷音作下天壁

載字恐誤
汝見谷音作里

羽谷音作勁

吐氣風雲生，舉旗陷堅列。貫穿死生地，蹀血天地。
黑勢雖衆寡，懸形未雌雄。決路窮斷首，尾衆盡仍。
手格豈知龍虎逝，黯淡山川色。百萬尚震驚，嗚呼。
死諸葛長城，但自壞。千古痛稠結，肉食無遠謀。野
史有直筆，酒酣歌節士。晶晶霜日白。

道立師先生

嚴

京西襄陽人，讀書善射，陷
圍中，拔身走，行在所，上書論

事實似道當國，不報拂
衣而去，若死於武陵。

出襄陽渡江

鹿門山人滄海客，洒淚已枯眼。見骨風塵崢嶸干

里空，不知何處營。三窟城中性命湯，火近路窮援

斷無消息鼠竊狗偷何足憂，都將十指漫天日大

言濶步好公卿，三百年餘涵養成。已聞鄭五但搔

首，復道龐涓豎子名。平時食肉誇果決，誰知臨危

跋躄行白頭，面皺牙齒落。萬事已矣秋風生。

襄園
之愁

谷音六載

海石音作浪

苦似道之妍欺
此詩盡之矣

咸淳庚午朱尚書席上醉歌

三月五日

天風浩蕩何處來荆南府中好春酒我公此日盛
賓佐但飲無勞問升斗座中十萬無下筋烏帽朱
衣馬牛走妙舞清歌如有神翠爛金明各回首人
生行樂須壯年小人再拜為主壽滿堂淚落起挽
鬚臨饋三嘆成鬱紆干戈未定邦國破亂臣賊子
何代無主憂臣辱坐感激忍對花鳥調歡娛近聞
士卒願一戰猛氣正倚風塵粗丈夫行事動千古
快意一飽非雄圖

仲材曾先生

子良

故家南豐從居撫之金谿
咸淳進士仕至淳安令國

事安隱居陶
塘号卒山

輓知臨安府兼浙西制置使曾公

淵子

德祐思良弼江西出大臣報忠昭漢議靖獻有殷

仁暎日五朝老清風百世人幾時歸袞綉秋草臥
麒麟

永紹傳賢啟慈元拱女堯鰲山猶聳鳳鵬海極扶
搖宮殿春旗曉簾帷社飯朝龍髯攀不及鸞馭去
何遙

立海終風黑洗光雙日紅餘波濺渤澥仙仗岌崆
峒宗廟神靈在公師禮數崇平生精履屐尚覺小

臣忠

返輶榮歸寢帷堂哭設衣神情如夢叶滄海悵心
違百世功言立千年城郭非任安猶未死哀淚不
堪揮

公字廣微自号留遠亦南臺派也折居金谿淳
祐庚戌黃甲及第德祐乙亥同知樞密院事知
臨安府兼浙西制置使因事急賈似道得罪陳
丞相直中當國公遁歸里被劾竄雷州臨安失
守景炎祥興建朝于南中起公叅知政事已而
北兵逼行朝公走安南而卒族姪孛山公作詩

四韋遜輓之歲久始有
負其遺骸歸者哀哉

無名氏

賈秋壑故第

樓臺突兀起城圍正是襄陽失援時王氣已隨檀
板歇狂風空逐玉簫悲姓名不上忠臣傳家廟空
遺御賜碑萬死莫酬亡國恨故園荒草正離離
當年誰敢比經過相國門前衛士多諸葛功名今
已矣周公事業竟如何雕梁畫棟藏鼯鼠花礎芸
堦長薜蘿誤國誤人還自誤空留遺跡在山阿

介夫王先生

題劉如村昭忠逸詠

炎祚當年去不還欲成良史恨無官一朝人物歸
吟興千古網常紀筆端林下董狐堅直節山中杜
甫老忠肝後來多少偷生者掩面西風不敢看

忠義集卷七

文天祥詩

越王臺

附錄諸公詩二

登臨我向亂離來
落落千年一越臺
春事暗隨流水去
潮聲空逐暮天回
烟橫古道人行少
月墮荒村鬼哭哀
莫作楚囚愁絕看
舊家歌舞此啣盃

黃金市

閉蓬絕粒始南州我過青山故首丘
巡遠應無兒女態夷齊肯作稻梁謀
人間早見黃金市天上猶遲白玉樓
先子神遊今二紀夢中揮淚濺松楸

太和

書生曾擁碧油幢恥與羣兒共墜降
漢節幾回登快閣楚囚今度過澄江
丹心不變君臣義清涕難忘父母邦
惟恐鄉人知我瘦下帷絕粒坐篷窗

金陵驛

草舍離宮轉夕暉孤雲飄泊復何依
山河風景元無異城郭人民半已非
滿地蘆花和我老舊家燕子傍誰飛
從今別却江南路化作啼鶻帶血歸

又

萬里金甌失壯圖衮衣顛倒落泥塗
空流杜宇聲中血半脫驪龍頷下鬚
老去秋風吹我惡夢回寒

月照人孤千年成敗俱塵土消得人間說丈夫

楚狂汪先生

感慈元殿

翠華扶輦出龍庭密炬星繁天未明鷓鴣分行江
上別隄貅從駕雨中行綠波淼淼浮三殿紫禁沉
沉斷六更惟有周遭山似洛不堪回首淚縱橫

水村劉先生

堦

西捷

神器寧容小智窺黃河河上集王師六龍南面皇
威壯萬里西征凱奏馳穹壤有靈扶寶祚風霜無
地着金枝太平有象天顏喜大需看看下玉墀
附錢塘懷古題仙源雲仍家譜

趙宗

我宋南渡駐蹕臨安主闇臣奸偷安姑息始則
檜賊陷忠良之將而讐恥莫伸失機恢復終則

賈賊絕樊襄之援則藩屏既撤遂至危亡雖運
祚之在天亦奸邪之誤國千載之後有遺恨焉
此麥秀黍離之所以作也予雖不敏而傷感之
情其理一也因編家譜遂成錢塘懷古律詩三
章以寄興耳

仙源嗣孫宜誠頓首

重過西湖訪故宮還思往事恨無窮長城自壞封
疆蹙重鎮輕捐堡障空日斷寒潮孤落日愁看秀
麥幾生風時危英傑猶難濟況任奸回托幼冲

似道專權擅國賊
奕孤危而不援使
逐忠良信使羈留而不遣襄
孤其能久乎此
不明之過也

皇元兵勢克樊襄南下臨安事可傷玉牒無光隨
業金闈遺址屬僧房年深堤柳還春色歲晚宮

梅尚暗香景物不殊人事改六橋風月幾炎涼

空格當是帝業

繁華勝景悞前朝留戀湖山銳氣銷七世衣冠還
寂寞百年宮苑總荒寥屯營將士符天命故國君
臣恨海潮天塹風濤猶莫恃寒更夢覺雨瀟瀟

子長劉先生

深

前朝遺老盡銷磨感慨臨風發浩歌地闢天開新
日月龍飛鳳舞舊山河西湖夜雨紅蓮少南苑秋
風碧草多惟有浙江潮水好年年此日漲鯨波

宜城羅先生

南渡戎衣寄海壖中原王氣集幽燕寒潮落日三
千里秀麥東風六十年夢裏玉魚無葬地劫餘金
像出中天誰知客子登臨處已後當時尚惘然

則榮趙先生

由仁號
虛白

自是東遷染路塵魯論誰識舊君臣龍飛鳳舞山
如舊國破家亡恨莫伸潮水不來風正冷梅花吹

此南渡字似謂
從閩粵

落韻偏新魏魏白塔胡僧醉一卷金經奉紫宸

思敬聶先生

話

北兵發會稽七陵取其寶
貢上以遺骸建塔于陵側

翠華謂德祐

北去也

畫守東南鼎祚過翠華冉冉渡黃河宮基雨過饒
蒼蘚御苑春回長碧莎問井至今崇綺麗湖山依
舊事謳歌玉魚金碗無從問塔影山陰夕照多
天日峰摧王氣終長江戰艦順流東翠華搖落三
宮遠紫禁荒涼六鼓空和靖湖邊虛夜月岳王墳
上老秋風興亡自昔闕天運莫遣哀吟兩鬢蓬

僕讀趙君家譜

并感十六朝衣冠文
物之感為賦一律

乾坤畢竟屬昌陵甲馬先驚紫氣騰汴水九龍臨
大統吳山七葉紹中興慶雲瑞日君臣際甘露祥
風海岱清三百年餘深德澤生靈草木盡光榮

雲龍黃先生

鯉

仙源家譜見雲孫盡把錢塘往事論
宮殿故基今佛屋山河遺恨有冤魂
春風畫舸閑湖曲落日寒潮怒海門
不改孤山只梅樹年年踈影月黃昏

中行王先生 復廬陵人

函封仙譜慨前朝派接天潢世胄遙
九廟已迷梁苑雪諸陵空倚浙江潮
山中父老今何在海上王孫不可招
掩卷共君悲喪亂天涯風雨客魂銷

道光胡先生 東臯

舊家流派出天潢往事秋來可斷腸
宮樹春深迷汴水海潮風起暗錢塘
星垂五彩天文煥道啟諸賢國運康
猶有雲仍已為庶細書家譜淚浪浪

伯清甘先生 淵

炎祚當年德業隆細編家譜見遺風
忠良籌畧藎奸佞顛蹶皇圖愍幼冲
梁苑綠莎深夜雨吳宮白

塔倚晴空岳王墳畔西湖路千載登臨恨莫窮

叔鈞李先生

錢塘潮水急於雷千載興亡亦可哀神器固知闕
氣運朝廷何以任奸回諸陵秋草空遺恨南海風
帆更不來宇宙茫茫今古意江山回首又塵埃

文博彭先生

卓

玉輦南遷駐海頭虜塵如雨暗神州孤臣絕援樊
襄失四將空存社稷憂紅樹號蟬荒苑暮白茅沒
馬故宮秋行人欲寄英雄淚還有寒潮向北流

桃川周先生

友德

錢塘曾屬宋山河王氣衰來奈若何人死海洋沉
玉璽棘生宮苑沒銅駝諸賢不及文風少六鼓無
聞寂寞多惟有西湖只如舊畫船來往逐清波

忠義集後序

嗚呼人之將死也倉扁不能回其生國之將亡也
周召不能續其脉雖云欽承聖主肇興天命有屬
然為臣子者必盡節以報君父有死無貳與城存
亡可也子曰事君軍旅不避難處其位而不履其
事則亂也寧計夫生之不回脉之不續乎此天理
民彝之不可一日泯也宋祚三百年無暴君無女

寵無篡逆其俗安於耕鑿怯於戰鬥天啟奎運聖
道彰明太極重開上接洙泗周程張邵開化於其
前朱張呂陸闡教於其後久而流俗浹洽曰士曰
民知生之可舍義之可取不忍背理以枉道也逮
乎末造雖有叛將而無叛兵雖有叛臣而無叛民
鼎移祚遷死節相望有闔門不辱者有全城不屈
者非浹洽乎六經之澤明夫徃古之訓民生於三
事之如一唯其所在則致死焉能若是乎萬世綱
常賴有以立免淪異類豈小補哉嗚呼聖人之教
於是乎弘遠矣所恨聞見有限未能周悉多有脫
畧博洽君子倘有舊聞所覲垂示以俟續書備太
史氏採擇麟瑞稽首重述